

彙纂功過格

吳建勳
敬題



35
1548
H85
1879
v6

彙纂功過格第六卷

與人格

總論

聖賢論學成已必兼及人此與人之所

以次修身也交接一條固修身之所係在弟

子時卽不敢忽以其人已相對故列諸與人要其專
主及人則不外於救濟勸化二者惟能於交接盡其
誠自能於救濟勸化宏其用仁者之德物我無間斯
格其盡之矣。○嘗讀了凡先生格言淡服其善有真
假之說昔有數人謁中峰和尚問報應何以時有不
驗中峰謂人自善惡認得未真何關天之報應有爽
因令衆試舉善惡之狀一謂詈人毆人是惡敬人禮
人是善中峰云未必然也一謂貪取是惡廉守是善
中峰云未必然也衆因請問中峰告之曰惟務益人
是善惟知利己是惡惟務益人則毆人詈人皆善也

惟知利已。則敬人禮人。皆惡也。卽如布施一節。固曰善矣。然但思邀福。非有實心。或偶爲輒已。則雖不爲惡。終未許爲善也。是之謂善有真假。世人不察。每日彼善人也。而不獲報。彼人也。亦曰我未嘗爲惡也。而不獲報。試令平心內返。果能爲人之念。多於爲已也乎。以是思之。而所謂善者。從可辨矣。魯國有贖臣妾於諸侯。皆受金於府。子貢贖人而不受金。孔子聞而惡之。曰。賜失之矣。魯國富者寡。而貧者衆。受金則爲不廉。自今已後。不復贖人於諸侯矣。子路拯人於溺。其人謝之以牛。子路受之。孔子喜曰。自今魯國多拯人於溺矣。因知聖人一舉動間。未有不存心於爲人者。今人少讓一錢。卽矜曰我善矣。淺施一惠。又矜曰我善矣。意中惟自矜。夫我而已。獨不轉而念曰。茲偶有是讓。而向日所爲。得無微有不讓者乎。茲偶有是

施而其人曰後得無猶有可憂也乎。抑又轉而念曰我樂讓而天下之人未能盡爲讓。可奈何。我施惠而天下之人未能遍我惠。可奈何。能如是以存心則無往而非善矣。不如是以存心則無格中分條甚晰而總括其要何莫非斯意乎。

交接

與人之一○諸凡讓便宜甘喫虧處除事親外待伯叔兄弟皆准記功諸凡過條卽尊長

待卑幼亦同論

總論

凡與人晤對周旋往來授受

及同學共事皆謂交接驗無我之學者莫切於此。大約內必有其情外必有其文情不可以淡漠尤不可以偏私文不可以簡略尤不可以虛僞務忠恕而公平抑溫恭而樂易彼此無失而上下咸宜其斯爲交接之盡善也。○茅子起曰感應篇於大

小過惡之中連下二十九個人字。十三个他字。總見世人惡業日多。只是人我之見過明。把自己看得親切。他人看得踈遠。所以種種惡業日相纏擾。不得休歇。世人須蚤打破這個關頭。自然向善之心。不覺親切。○曹集之刻志學問。常戒學者絕人我。則天理自著。鵝湖大師曰。學道之人。要在究徹心源。唯於起滅人我處定盤星上。須見箇斟酌。若是稍有毫釐偏見。益已損人。則不得其正矣。其不正始於毫芒。及至日往月來。積不可量。皆在此毫釐定盤星上發現出去。學道者不可不知。○蔡虛齋先生曰。程子云。人能將一個身。公共放在天地萬物中。一般樣看。則有甚妨礙大哉言乎。欲爲成人者。斯其實地乎。○武林何公士明論待人接物之規曰。凡與賓客。及尊長卑幼。君子小人相接。儀

節固有不同。咸不外乎敬而已矣。若待尊長。必須言溫而貌恭。情親而意洽。尊長或不我愛。益加敬謹可也。待卑幼。又在自敬其身。苟能尊嚴正大。肅矩整規。則爲卑幼者。修飾畏懼之不暇。孰得而上犯之耶。一或瑣碎褻狎。便無忌憚矣。待君子之敬。根於心。百凡相見往來交際之禮。俱宜從厚。其敬始伸。稍薄。則爲慢矣。待小人則不然。外若敬而內則疎。包容退讓。甯受虧一分。使之自滿自愧。於我亦無所損。若與之爭競較量。一旦棄絕。或發其陰私。斥其過惡。彼必終身懷忿。不至中傷而不止耳。此乃一生所驗之良方。以爲後人應世之藥石。

一功

甯人負我。無我負人。

一念一功。**徵事**呂文懿公辭相歸里。有一鄉人醉而詈之。

公不動。語其僕曰。醉者勿與較也。閉門避之。逾年。其人犯死刑入獄。公戚然曰。使當時稍與計較。送公家責治。可以小懲而大戒。吾向只欲存心於厚。不謂養成其惡。陷罪至此。悵然若有所失。功過格斯條。如公之存心者。乃足當之。○周萊峰先生元旦肩輿出市中。無賴少年乘醉指先生曰。夫夫名爲善者。吾試衆辱之。廼呼其名。明日先生使人召之來。其家叵測。先生好論之。曰。若幸遇我。毋爲犯他冠蓋。恐不汝宥也。笑而遣之。其人從此斷酒終身。

因呂文懿言。故附誌其事於此。

◎廿一喫虧。**增註**寧人負我。

就念言。甘一吃虧。就事言。**徵事**林退齋臨終。子孫請

訓。公曰。汝等只要學吃虧。李臨川聞而嘆曰。有味乎其言之也。從古英雄。只爲不能吃虧。害了許多事。○吳康齋曰。君子常受虧於人。方做得高。景逸每字加。

圖以爲至言。○舒狀元芬在翰林日其家數寄書訴鄰人占墻址。公題於書尾曰。紙紙家書只說墻讓渠徑尺有何妨。秦王枉作千年計。今見城墻不見王。遂緘封却寄。鄰人聞之。感服盛德。自毀其墻。不肯甘吃虧者。須常觀此等事。爲砭針。**附錄**寧波郡庠生王錄臨貢。其次爲李循模。兩生俱曾以丁艱補復者。李素乏行而多術。設謀奪佔之。王樸實人。不較也。李入京偏干鄉貴。夤緣得入首相嚴嵩之門。久而親暱。遂求順天府學司訓。嵩諭銓曹許之。於是揚揚自得。未掣選時。縱步入順天府學。登其堂。窺其衙。徘徊良久。齋夫輩異其舉止。呵之。遂大聲詈曰。吾不數日當坐於此。鼠輩敢無狀耶。齋夫輩乃群譁於吏部前。語聞文選大駭。亟易之。李得廣西一缺。怏怏去。未幾身及一子一僕俱死於彼。明年王應貢就選。乃恰得順天府。

訓導云顏光衷曰設使當時李被人訐而他更王選他所而遠任亦無足爲異今多智者無上事而自詒伊戚樸寔者無心中適得擠我者所謀之善地豈非鬼神故示予奪之意以彰善惡之報哉吁可畏也已

◎遇事已意如是必更察人之意

發明

呂叔簡曰人

情要耐心體他體

到悉處則人可寡過我可寡怨俞次修曰人可寡過匹字妙極夫作事而不使人心服則必有怨思之言甚而欲梗吾事者多矣惟體悉人情則和同協一共相濟事於已既得而人亦泯其過卽此便是已物兼成的道理○陸象山先生云舍人情○人○意○與○已○異○世○事○有○何○學○問○可○做○此○語○可○淡○思○

◎人○意○與○已○異○

可從卽從

增註

二條似乎聯貫其寔兩層察者其始

從者其繼然此條從人大抵在細微節目

如已欲止而人欲行。已欲糜而人欲飯。不妨於通融者。苟熟於世法。便可能之。若後條之虛衷服善。當從克已學問來。則

◎一小事抑已便人

魏文靖公驥嘗失百金。知

又淡一層矣。
為小吏所竊。心憐其貧。且將冠帶曰。若置之法。非惟壞其前程。妻子亦將失所。遂不究。○孝豐吳珏。南山君之父也。一日自外過其別墅。望見栗園中有人。正在樹偷栗。亟勒馬轉迂路三四里。抵家語其故。旦曰。設我過而彼見之。必倉皇墜地。非死則重傷矣。恣其所取。損我能幾何耶。○李翰林宗諤。其父文正公秉政時。避嫌遠勢。出入僕馬。與寒士無辨。一日中途逢文正公。前騶不知其為公子也。遽呵辱之。自後每見斯人。必自隱蔽。恐其知而自愧也。○王與嘗得楊氏別業。有祖隴在。欲徙之。公嘆曰。彼以全產售人。而不

能守此三尺。吾不忍也不聽其徒闕其垣。使四時祭掃焉。以上諸事皆足為抑已便人者勸。◎見

人一德一能便生愛慕心。

發明 呂東萊曰。凡人有一行之善。即當學之。勿以其

同時同處貴耳。賤目焉。張南軒曰。責已須要備。人有片善皆當取之。古人之學。只是為已。如晏平仲。其事

君臨政未必皆是。然善與人交。聖人便取之。子產有君子之道四焉。其不合道處想多。只此四者便是我之師。責已而取人。不惟養我之德。亦與人為善也。附

錄

唐蕭穎士四歲能文。觀書一覽即成誦。性嚴酷。有

一僕名杜亮者。事之十餘年。穎士每加箠楚。輒百餘不堪其苦。人或激之使去。僕曰。我非不能他從。所以遲留者。特愛慕其博奧耳。◎遇惡人即思遠之。增註謂其人殘忍成習。無可用其勸。

化者。卽屬親戚。亦不得不思遠之矣。**附錄**劉惔爲丹

陽令。政治清肅。門無雜賓。嘗與王仲祖共行。日盱未

食。有相識小人餽饌甚豐。辭之。仲祖曰。聊以充虛。何

必苦辭。惔曰。小人最不可與作緣。噫。近來門下小人。

竭力諂事貴人。貴人喜之不勝。每每受其體絡。以至

有玷聲名。蓋三復斯言歟。○薛文清曰。君子不可以

小人假善悅已。而信之。若

信之。適墮其計。乃危道也。◎**受人一忠益勸諫感佩**

不忘

一念一功。**後記**新昌李光洵父豪於鄉。縣令曹

祥杖之。卒爲善士。曹蓋太倉人也。光洵爲御史。

按太倉。謁祥。祥已忘前事。光洵語其故。祥不自安。光

詢曰。微翁。吾父安得改行善。其後蓋戴恩十餘年。如

一日也。留談竟日。乃去。且厚贈之。不因子曰。曹祥爲

循吏。不必言矣。若光洵父子。不以爲怨。且以爲德。不

忘。又不諱而嚮嚮致謝。◎聞同時碩德名儒。切切然其賢於人也。不亦遠乎。

厘仰止意。

不憚遠道從遊者。爲百功。徵事陳了翁爲禮部貢院點檢官。與知制誥范涪夫同舍。

涪夫言顏子不遷怒。不貳過。惟程伯涪能之。了翁問伯涪爲誰。涪夫默然。久之曰。君於天下。猶然不知有程伯涪耶。謝曰。生長東南。寔未識也。因以寡陋自媿。自是每得明道先生文。必冠帶讀之。○馬伸。字時中。弱冠登第。崇甯中。禁元祐學術。姦黨爲諸路學使。專糾其事。程門宿學老生。有叛去者。伸自吏部求官。西京法曹。銳然往依焉。至則因先生高弟張繹求受學。先生以非其時。恐爲累。辭之。伸執贄十往。愈益恭。且曰。使伸得聞道。卽死何憾。况未必死乎。且欲棄官而來。先生聞而嘆曰。此真有志者。遂引而進之。自爾出。

入凡三年。公暇。雖風雨必一造焉。同僚以飛語中之。不顧也。

◎盡心謀人一小事。

附錄 莆田有表兄弟二人同學。甚厚。甲貌醜而富。乙貌美而貧。甲求繼室於富家。必欲觀脣始允。甲懇乙代往。富家許之。將婚。又欲親迎。復懇乙往。方至。天忽大雨。而隔嶺難行。乃止。壻宿乙謙讓至再。又不敢明言取辱。而富家恐失吉期。卽欲成禮。乙固辭不聽。及寢。不敢解衣。坐達旦。次日雨益甚。乙坐處不安。至廢飲食。晚仍留宿。復不敢近。女父母方怪異之。第三日迎至甲家。甲怒奔告於縣。縣令雷應龍鞠之。乙泣訴真情。雷公察知其實。乃謂甲曰。汝妻旣同彼宿。義不可歸汝。汝不患無妻。又謂乙曰。子爲人不欺。天以是女畀汝。聘金吾代償也。乃以三十金與甲。而令乙爲夫婦。言之委曲。狗甲意必受惠於甲者。不淺。故情誼

不能辭。以聖賢之道斷之。是謂坤道勝而乾道少者。大有違於剛健。正直之自持。然就其忠誠切至。則誠可云盡心謀人事者矣。其生平之篤厚。概可想見。天作之合。豈偶然哉。

◎人有所時能

從旁一言提醒。

發明

勞曾三曰。凡人當局昏迷。不能

使之善。全無害。真是莫大陰功。無窮福澤。彼坐觀成敗。已非仁人君子用心。若更從中播弄。多生事端。令人一敗而不可收拾。吾不知天地鬼神。作何痛恨也。

◎人不如我意。存寬恕

心。

發明

徐養齋曰。人非我。安能盡如我意。凡吾一言

一行。亦有不。自當於意者。乃復以是。淡責。過望於人。惑矣。是以君子貴恕也。○范忠宣公戒子弟曰。人雖至愚。責人則明。雖有聰明。恕已則昏。爾曹但常以

責人之心責已。以恕已之心恕人。不患不到聖賢地位。又言忠恕二字。吾一生用不盡。何敢須臾離也。**附**

錄

吳康齋曰。遇逆境暴怒。再三以理遣。蓋平日自己

無德。難於專一責人。况化人亦當以漸。又一時過差。人所不免。嗚呼。難矣哉。中庸之道也。

◎愛人以德。不屈強人。

徵事

謝一

默館於馮

御史之宅。御史與督學王公善。有謀入庠者。丐一默請於御史。先以五十金爲一默壽。一默曰。主人不鄙夷我。而以其子師我。當以道義相成。奈何以非義者汚累之耶。堅辭不從。◎遇安樂處待

人既定而已。乃從之。

發明

每於同儕共集之時。冷眼察人。卽飲食坐臥。鮮不有心檢

擇。爭先占取。惟知利己。曷肯顧人。犬之爭骨。蠅之逐羶。人正不免。若此條者。其事甚細。其德甚難。非無我

之君子。詎易能乎。

附錄

慈谿二友相善同往吳江覓

館甲得之城內修儀議九兩乙得之城外修儀議六

兩甲喜謂乙曰吾兩人明歲皆無內顧憂矣乙言兄

止尊嫂在家九金資用有餘弟則上有父母六金尙

未足耳甲俛思良久曰然遂力以城內館讓乙而已

就鄉村小館乙深感謝不安甲到館後偶拾一殘書

得外科秘方幾箇錄而誌之至冬解館還家適途中

有方布政從閩赴山東任背忽患瘡痛甚倉皇覓醫

難得甲以方獻之立愈布政大喜酬以百金甲竊嘆

曰我讓已之館人將以爲甘吃虧矣豈知就人之館

反得此大

◎與人同飲食不敢擇不敢過

附錄

楊忠

便宜乎

愍公遺訓

謂與人相處之道第一要謙下誠實同幹事則勿避

勞苦同飲食則勿貪甘美同行走則勿擇好路同睡

寢則勿占床席甯讓人勿使人甯容我。勿使人容我。還句曲盡恕道。所謂終身可行者也。◎受

人一刻薄語能答不答。

發明 陳幾亭曰狎侮戲謔之來處之者惟不答而已矣。所

以不答者有二道。我有所以招者則內自反而更之。我無所以招者受之如弗聞也。令彼有知當慚而自止。設其無知。意亦浸消。◎受人一飲食知感。◎借人物或寄託

於已者倍加護惜。

徵事

程母侯夫人嘗教家人曰見他人善當如已善必共成之視他

人物當如已物必愛護之。二大儒之終身志仁。大公無我。固已胚胎於母教也。◎不沉滯一

人書信。◎不秘一所獨得者樂與人告無隱。◎見卑

賤於我者無輕忽心。

徵事

富文忠公爲人溫良寬厚

自唐以來宰相謂之禮絕百僚

見者無長幼皆拜宰相平立少垂手接之送客未嘗下階客坐稍久則吏從旁唱相公尊重客踧踖起退及公爲相雖微官及布衣謁見皆與之抗禮引客坐語從容送之及門視其上馬乃還自是羣公稍效之

○陸慧曉歷輔五政立身清肅僚佐以下造詣必起送之或曰長史貴重不宜妄自謙屈答曰我性惡人

無禮不容不以禮處人終身未嘗卿士大夫或問故

慧曉曰貴者不可卿而賤者乃可卿人生何容立輕

重於懷抱○李宓嘗言吾獨立於世顧

影爲儔而不懼者心無彼此於人也

◎見年老者

及有德者肅然起敬

徵事

漢文帝時有王生者隱居

不仕張釋之與之善嘗召公卿

王生立庭中襪解顧謂釋之曰爲我結襪釋之跪而結之旣退或曰奈何庭辱張廷尉王生曰吾老且賤自度無益於廷尉聊辱結襪欲以重之爾夫王生特一匹夫耳廷尉之貴重何如不難當衆而自屈惟其尊敬之心篤於中也嗟乎以此等事求諸今人其孰有能焉者乎。○元周司見老者敬如父母一日過江風波大作舟幾覆忽定及抵岸一漁翁云昨夜江邊有人言當覆一舟溺二十人以有周不同在其人素能敬老不可溺今爾舟得免豈有其人耶同舟者皆爲凜然各通姓名至周司咸曰是矣司字少旁直則不同也敬老之報如此至尊敬有德其好善何如獲報又不待言矣**附錄**徐伯同曰漢地理志謂魯瀕洙泗之水其民涉渡幼者扶老而代其任俗旣益薄長老不自安與幼少相讓故曰魯道衰洙泗之間斷斷

如也。余少時見先輩接見少年。矜莊自重。語言動止不苟。少者亦端慎守禮。如對尊上。二十年來。長老務狎暱相款曲。不然則少者目眊心誹。其少者倨惰嬉嫺。畧無復嚴憚恭肅之意。此大見風俗之改移。○

見殘疾者及喪服者。惻然悲憫。○見人憂愁。愀然不

樂。因婉爲勸慰。○不異視孱弱愚騃之人。謙和一體。

發明

薛文清曰。處鄉人皆敬而愛之。雖三尺童子亦

當以誠心愛之。不可侮慢也。

附錄

前輩嘗稱江都蔣

翁之盛德。每出必携錢百文。路贈乞丐。色甚恭。卽背後未嘗以乞丐呼之。呼曰貧民。其誠恪類如此。子善應丙子試。其硃卷忽從衆卷中徐徐自出。房師張調鼎異而拔之。斯以見感召之特奇哉。○遇窮

苦者慈祥之念輒生。

增註如有以惠及之。量事量力。當另記功也。

◎尊貴

後待向時閭里相接之人不失禮貌。

徵事嘉靖間張莊簡公悅與莊

懿公瑩皆以尚書同居東南城河外中隔數十武兩
公元旦入城祝釐則偕出而往朱待詔家拜節待詔
者松郡櫛工之稱也兩公與為老鄰肅章服拜之櫛
老則戴老人頭巾接兩尚書具茶修賓主而出當時

風俗之厚如此。

◎見尊貴人接洽有體無容悅諂媚之情。

明發

夫子曰與人忠才媚悅便是不忠既失其立誠於已
之道即喪其推誠於人之心惟體仁之君子必不然
也。**附錄**或勸伊川先生以加禮近貴先生曰何不
見責以盡禮而責之以加禮禮盡則已豈有加也。◎

見種田人卽軫念其艱苦。

發明

農之艱苦不可不知。且不可不常存諸念。若見

其人。固當尊而重之。蓋我之所賴以生。與天下之所恃以治者。惟此農人而已。身不爲農。而又無以惠農。徒淡憫念之情。豈遂足以矜功。而功過格特許之者。正重期人之不忘農也。自古聖君賢相。博學鉅儒。恒諄諄以農爲念。格言名論。屢見史冊。附誌數則於此。

○真西山曰。周家以農事開國。夫農者。衣念之本。一日無農。則天地之所以養人者。或幾乎息矣。惟其關生人之大命。是以服天下之至勞。以七月之詩考之。其心無一念不在乎農也。一歲之間。無一日不專乎農也。一家之內。無一人不力乎農也。當是時。崇獎勸厲。故勤敏和悅之氣。浹於上下。不見有勞苦愁嘆之狀。後世之農。則異乎此。已無田可耕。而所耕者他人

之田數米而炊。并白而食。乃其常也。曉霜未釋。忍饑
扶犁。凍皴不可忍。則燎草火。以自溫。此始耕之苦也。
燠氣將炎。晨興以出。偃僂如啄。至夕乃休。泥塗被體。
熱爍溫蒸。百畝告青。而形容變化。不可復識矣。此立
苗之苦也。暑日流金。田水若沸。耘耔是力。狼莠是除。
爬沙而指爲之戾。偃僂而腰爲之折。此耘苗之苦也。
迨垂穎而堅栗。惧人畜之傷殘。縛草田中。以爲守舍。
數尺容膝。僅足蔽雨。寒夜無眠。風霜砭骨。此守禾之
苦也。刈獲而歸。婦子咸喜。舂揄簸揅。競敏其事。若可
樂矣。而一飽之歡。曾無旬月。穀入主家之廩。利歸稱
貸之人。則室又垂罄矣。自此之外。惟采薪于茅。販鬻
易粟。以苟活而已。若夫桑麻種藝。蚕績織紉。勞苦稱
是。而敝衣故絮。曾不得此卒歲。豈不重可哀憐也哉。
○歐陽永叔曰。古者計口而受田。家給而人足。自井

田壞而并兼乃興。今大率一戶之田及百頃者。養客數十家。夫此數十家者。素非富而畜積之家也。當其乏時。常舉債於主人。而後償之。息不兩倍。則三倍。冬春舉食。則指麥於夏而償。麥償盡矣。夏秋則指禾於冬而償也。似此數十家者。常食三倍之物。而一戶常盡取百頃之利也。夫主百畝而出賦稅者一戶。盡力而輸一戶者數十家也。就使國家有寬征薄賦之恩。是徒益一家之幸。而數十家者困苦常自如也。○李觀曰。古人有言曰。穀甚賤則傷農。貴則傷末。爲農常糴而未常糴也。愚以爲賤則傷農。貴亦傷農。賤則利末。貴亦利末。蓋農不常糴。有時而糴也。末不常糴。有時而糴也。以一歲之中論之。大抵歛時多賤。而種時多貴矣。夫農勞於作。劇於病也。愛其穀。甚於生也。不得已而糴者。則有由焉。小則具服噐。大則營婚喪。公

有賦役之令。私有稱貸之責。故一穀始熟。腰鎌方解。而日輸於市焉。糴者。既多其價。不得不賤。則賈人乘勢而罔之。輕其幣而大其量。不然。則不售矣。故日斂時多賤。賤則傷農而利末也。農人倉廩既不盈。實窖既不實。多或數月。少或旬時。而用度竭矣。土將生而或無種也。未將執而或無食也。於是乎日取於市焉。糴者。既多其價。不得不貴。則賈人乘勢而閉之。重其幣而小其量。不然。則不予矣。故曰種時多貴。貴亦傷農而利末也。○司馬溫公曰。四民之中。惟農最苦。農夫寒耕熱耘。霑體塗足。戴星而作。戴星而息。農婦育蠶治繭。績麻紡緯。縷縷而績之。寸寸而成之。其勤極矣。而又水旱霜雹。蝗蝻間爲之災。幸而收成。則公私之債。交爭互奪。穀未離場。帛未下機。已非已矣。農夫農婦。所食者糠粃而不足。所衣者綈褐而不完。直

以世服田畝。不知捨此之外。更有可生之路。故其子弟游市井者。食甘服美。目睹盛麗。則不願復歸南畝矣。至使世俗俳諧。共以農爲嗤鄙。誠可哀也。

三功 容人一過

增註

謂待已者。能容忍之。絕不介意。此其度量寬宏。未始不可學而致也。

徵事

蔣恭靖公瑤。性寬厚。未嘗一忤物。守楊時。出市有兒放紙鳶。因落公帽。左右欲執之。公曰。兒幼。弗怖也。有婦瀉水樓窗。誤濺公衣。縛其夫至。公叱左右去之。或訝公太褻。公曰。吾非好名。并此婦亦誤耳。況其夫何辜。此容無心之過也。○王文正公旦在中書。寇萊公居密院。中書有事。關密院。違詔格。寇公持以聞上。上責公。公拜謝。引咎。堂吏皆遭譴罰。不踰年。密院有事。送中書。亦違詔格。堂吏得之。欣然呈公公。使送與密

院寇公大慚中書又偶倒用印寇公勾吏人行譴他日密院亦倒用印中書吏人呈覆亦欲行譴文正問吏人曰汝等且道密院當初譴倒用印者是否曰不是文正曰既云不是不可學他也不是此容有心之過也愚意容有心者記功宜更加倍焉○嘉定孫師虞中丞火東公之祖也好積陰德嘗發願一十二時時行方便一日偕同伴往松江買米晚泊各登岸散步翁同一人先回聞舟中有私開篋鎖聲見翁至面發赤翁啓篋則貲失矣寂不發一語明晨別同伴歸問何以故曰我竟忘持本銀其與翁同聞開鎖聲者獨疑之翁曰信也猶憶置家中一處臨行實未帶得灑然逕歸及家但言失銀終不洩其人如此能容真難絕矣○**受一恩必報****增註**若心懷感激報重於施者於所報當恩外論事之大小另照例

記功若壞公道而報私恩者非

徵事

郭仲翔爲姚州

判官時哀里人吳保安窮困力薦於都督李蒙表爲
掌書記後仲翔與蠻戰被執蠻求千金乃肯贖保安
營贖仲翔苦無貲於是盡力居貨數年得縑七百都
督楊安居異其事引與語曰子棄官棄家急朋友之
難至是乎乃以官貨助滿千縑保安卽委蠻贖仲翔
以歸後仲翔爲代州戶曹母喪服除歎曰吾賴吳公
得生今親歿可行其志矣時保安以彭山丞客死其
妻亦歿喪不克歸仲翔爲服縗經囊其骨徒跣負之
歸葬焉後爲涼州長史迎保安子爲之婚娶而讓以
官

◎平一小怨

徵事

郭子儀與李光弼俱爲牙門將
不相能雖同席未嘗交言後子儀代

爲帥光弼欲亡去恐見誅乃入跪請曰死所甘心但
乞貸妻子子儀趨下堂握其手曰今國亂主辱非公

不能定。僕豈敢懷私忿哉。因涕泣

勉以忠義遂定交。薦為節度副使。

○廿一獨勞

徵事

敏公家常設宴。有僕曰陳義者。公微察客罷後。其整

潔几席室宇。獨義任之。未嘗分諉。口無憾訶。公心竊

異焉。一日宅前演戲。羣僕皆竊觀。義獨點茶室中。往

來供給無歇。次日公命一僮代之。謝曰。若輩皆少年。

盛觀不可虛義。性不耐閑逸。往來不為厭。不欲令其

代也。淡旬無倦色。公以是特優待之。後竟表於朝。授

以九

品秩。

○讓已一功歸人。任人一過歸已。

徵事 劉千戶
蒼務行長厚

僚佐有支軍糧。誤浮本數。當得罪。公適不與。乃自補。

署文案。事白人異其故。公曰。某素謹。且吾兒方稱奉

法吏。人信為誤。若諸君何以自白。子麟官尚書。○曹

武惠彬與王全斌同伐蜀。全斌戮降卒。公力諫不聽。

及歸太宗怒必欲勘鞫公乃自誣服全斌得免○周益公必大監臨安和劑局局內失火火犯當死公問吏曰假若火起自官當得何罪吏曰削籍爲民公曰吾何惜一官贖吏死遂自引罪罷職歸謁婦翁方大雪翁命奴掃雪於庭因墜失官不爲禮忽憶前夕夢中掃雪迎丞相豈將來有所就乎乃留款公歸閉戶讀書中博學宏辭官至宰相○夏忠靖原吉爲大司農吏污精微文書驚懼得罪公曰汝勿憂明日公入朝請罪曰臣不謹筆污精微文書上曰易之吏得無罪○王繕爲沂州錄事參軍時魯簡肅公宗道方爲司戶參軍家貧食口衆祿俸不給懇王預貸俸錢魯御下嚴庫吏淡怨之訴魯私貸繕錢州并劾王王謂魯曰但歸罪某君無承也魯曰過實自某公何辜焉王曰某碌碌經生仕無他志苟仰俸入以養妻子得

罪何害。矧以官物貸人。過不及遣。君年少。有志節。明
爽。方正。實公輔器。無以輕過。輒累遠業。併得罪何益。
卒明魯不知。而獨得私貸之罪。魯深愧謝。不自容。王
處之裕如。無慊恨也。由是沉困銓曹二十餘年。晚用
薦者。引對吏部。狀其功過。奏上有魯姓名。時魯已參
大政。立侍殿中。仁宗目魯曰。豈卿耶。魯遽稱謝。且具
陳其實。仁宗歎曰。長者也。先是有私過者。例改次等。
由是得不降等。詔改大理寺丞。仕至省郎。累典名郡。
晚年田園豐腴。子孫蕃衍。壽八十九卒。亦庇賢爲善
之報也。**通鑑**此條大約指平常細小事。如已上諸公
卽加數倍。猶未足盡其功也。

五功

見人焚溺。不能匡拯。痛傷於心。至終日不安。

徵事 盛吉

爲廷尉。決獄無冤滯。每至冬定囚罪。夫婦相對垂泣。妻語夫曰。君爲天下執法。不可使人濫罪。殃及子孫。有萬不得已者。舉筆時。淚涔涔下。歐陽觀爲推官。嘗秉燭治爰書。屢廢而歎。夫人問故。曰。此死獄也。我求其生不得。故愴然耳。羅近溪當秋決時。集諸囚問曰。汝怨天乎。曰否。又問汝尤人乎。曰否。汝自尤乎。衆皆泣不能答。公曰。父母生之。天地覆載之。朝廷訓誡之。誰驅汝爲盜殺人。此汝自作自受。若怨天窮汝。怨捕兵捉汝。怨問官訊汝。此去怨氣不消。歷盡地獄。必墮入蛇蝎豺狼惡道。空丟一死。業障未盡。汝若十分醒悟。懺悔前非。歡喜順受。自誓永不爲惡。則一刀旣過。百業全捐。此去必爲善男信女矣。公勸諭時。淚含於睫。諸囚皆痛哭感悟。臨斫之際。公洒淚大呼曰。急急明白醒了去。莫錯了路。市人觀者。莫不墮淚。夫人而

至於犯死罪罔不以爲不足惜矣。而諸公愷悌存心。宛若若有切身之痛。矧有無辜而橫遭殃禍者。不見則已。慘況當前。矜憫之心。容自己乎。

◎忍受一橫逆

徵事 臨江胡秘較與客圍棋。忽有村

民惡聲甚厲。問之曰。來算簿。公曰。少待。其人直前推局。大罵客不能堪。公徐曰。無怒。卽取簿勾之。又與斗米遣歸。明日聞其人死矣。蓋以計服毒而來。無隙可乘而去也。若當時少不能忍。其能免禍乎。前輩云。逆我者。只消甯省片時。便到順境。方寸寥廓矣。故曰。忍過事堪喜。○汲長孺廷折天子。長揖大將軍。宜其抗負不肯挫屈者矣。然當其爲二千石。與周陽由同列。陽由肆爲驕暴。長孺與司馬安等。未嘗敢與均茵。非畏陽由也。特以小人不足較耳。夫惟能遜避橫逆。然後能完養氣節。若徒屑屑與非類抗。卽非善自全者。

矣。異日河東太守勝屠公與陽由角。卒并就戮。○蔣恭靖公爲御史時。南行。舟泊石佛間。有一野僧。狀甚潑。大肆罵詈。舟人膚慙以告。公如不聞。少頃。復罵詈如故。舟人復以告。公假寐不應。卽命放舟。次日。一主事亦泊舟。其僧以侮公者侮之。遂箠楚僧。詰奏被逮。蓋此僧乃國族也。後問公所以忍者。公曰。以一僧而妄加吾輩。必有所恃。可輕與較哉。公固以量勝。然其言誠有識矣。○唐荆川先生。出入僅一小航船。敝甚。不蔽風雨。凡三四年如一日。後以病就醫。無錫友人見船敝。以小樓船易之。至藕塘。遇豪僕舟。舟牽至其尾蓬。僕怒甚。以輒石擊先生舟。先生自出。遜謝。不省。痛扶且罵而去。先生因作知命說。謂航者。吾分也。樓船者。非我分也。據其分。航可免侮。非其分。樓船不免。據其分。三四年可不則一日。固不可。夫其不咎豪僕。

之肆侮。而轉自咎其非分。何等胸襟。何等學問。他人
於此。便生出許多葛藤。豈非世本無事。人自擾之。○
宋南野琛爲御史。極有風裁。還家。家有牛蹊柳氏田。
柳氏格殺牛。而遣其子弟詬毀。公勅家人無出與競。
柳氏有狂子。醉罵良久。躍入水中。公使人援出之。易
以已衣。迎至上坐。謂曰。與而寧也。好。奈何以小忿墮
之。呼牧牛兒鞭之數十。使人以肩輿送柳氏子歸。且
謝其父老。其父老大慚。有風裁者。偏能爲此柔屈。豈
非養到。○夏忠靖原吉。識量不減韓魏公。人嘗問公
量可學乎。公曰。何爲不可。吾少時遇犯我者。未嘗不
怒。始忍於色。中忍於心。久則自熟。不與人校。何嘗不
自學來。○袁氏世範曰。同居之人。有不賢者。非理以
相擾。若間或一再。尙可與辨。至於百無一是。且朝夕
以此相臨。極爲難處。同鄉及同官。亦或有此。當寬其

懷抱以無可奈何處之。噫。忍受而到此境。請真難哉。然受用處正在此。**附錄**王文正公旦有弟傲不可訓。

一日逼冬至。祀家廟。列百壺於堂。弟皆擊碎之。家人惶懼。公自外入。見酒流滿路。但攝衣步入。恬處如常。其後弟忽感悟。袁氏所云寬其懷抱。如王公真可法也。**◎爲人解釋一怨恨**。若

此深讐積隙。能陰爲曲折勸解。兩下釋然者。加三倍。**◎爲人和解一訟**。取酬謝

功。**廣義**。凡處事接物。大忌橫執。已見須公平。其心則可以通達事理。和柔其氣。則可以調合人情。昔山陰

張岱歷爲王府諮議。與典籤主帥共事。無不傾心歡協。或謂岱曰。主上旣幼。執事多門。而每能緝和公私。云何至此。岱曰。我惟處心端平。待物以禮。則情不相失。而事舉矣。夫欲事之舉。難於情不相失。如張公二

語亦何適而不宜乎。

◎爲人處一事公直

廣義處事之難。惟在公直。公之一字。非真

學問人不能有此。愚更思其難之難者。則尤在嫌疑。監价之處。或素與我親厚。或素與我釁仇。幸而不與聞其事。則已。而或勢之所值。却又輪當我處置之。此際詎不大費躊躇。若無一箇道理把捉。渾如羝羊觸藩。進退疑慮。既俱有徇私偏向之譏。又恐有賣譽迴曲之失。此等全憑窮理。如蘇章之待故人。人將謂其公直矣。乃先賢大非之。謂此是以故人爲貨。是所謂賣譽也。又如呂晦叔曾與賈昌朝有怨。後呂爲相。適值朝廷治賈事。賈之罪重。呂乃乞寬之。恐渠以爲臣與有私。怨先賢又非之。以爲昧於大義。是蓋不免於迴曲也。然則果將奈何。先賢謂當權其輕重。只看此心。亦或周旋而無害於公道。又或秉公而仍無憾於

私情。此其間固有權衡酌當之道矣。徇私誠有不可顧名。懼譏。至於迴曲。總一私焉而已。庸得謂之公直乎。因憶楊文敏。楊文貞同居相府時。有福建僉事廖謨。杖死驛丞。東楊以鄉官欲坐償命。西楊以鄉故欲擬因公。王振因而進言。二楊皆有私。償命固重。因公過輕。宜對品降調。府同知太后韙之。振自是捃摭內閣之過。而裁決多歸於振。夫以二楊之老成。豈必真有私意。然窮理集義之功未至。不無迴曲。生心而予人以口實矣。斯以見公直之難言哉。

十功 成人一美事

徵事

揚州高尙書父。販貨京口。客寓

中時聞息香撲鼻。一日忽見壁隙中

投出一枝。翁從隙窺之。見一少女獨坐。次日訪之。主人卽其女也。問何不字人。曰擇壻難耳。翁留意訪得。

一壻白主人曰。吾見某郎甚佳。爲令愛作伐。何如。曰。吾意亦屬之。但其家甚貧。翁曰。不妨。我當借與之。是日卽爲說合。贈數十金。翁歸。夢神語曰。汝本無子。今賜汝一子讀書。卽尙書公銓也。○東坡守錢塘。視事之初。押到冒名匿稅人。乃南劍州鄉貢進士吳味道。以二巨罨作公名銜。封至京師。蘇侍郎宅。公問罨中何物。味道曰。今秋忝冒鄉薦。鄉人集錢百千爲贐。因就置建陽紗二百端。計道路所經場務。盡行抽稅。則至都下。不存其半矣。竊謂當今負天下重名。而愛獎士類。惟內翰與侍郎耳。縱有敗露。必能情貸。遂假先生名銜。緘封而來。不知先生已臨鎮此邦。公熟視笑呼。掌牋吏去其舊封。換題新銜。附至東京。竹竿巷井。又手書一紙付子。由謂吳曰。君此去。乃可安心矣。明年味道及第來謝。此亦見成全人處。**廣義**成人之美。

其端難以悉舉。抑更有其大者。一番至誠待人。有意以扶挈之。使之大有成就。如范文正之於孫明復。杜祁公之於蘇子容。此等玉成人。每使後之覽者徬徨太息。其爲功甚不細也。范公事錄於下條。請誌杜公事於此。以爲成人美者最。○杜祁公老居睢陽時。蘇公頌爲南京留守推官。杜公一見。深器之。每間數日。必折簡召。嘗曰。如君。真所謂不可得而親踈者。且自謂平生之所用心。人鮮能見之。遂述自小官以至爲侍從宰相。所以設施出處先後本末。以語公。曰。以子相知。且知子異。曰。必爲此官。故以告老夫。非以自矜也。其後蘇公出。入中外。薦歷清要。至爲宰輔。還政退居。略相似焉。祁承燠曰。於此。不特見祁公能識鑒天下士。亦見其能鑪錘天下士。不但見其遠度。亦可覘其深心。

○揜人一過

徵事楊鐵崖先

生。素長厚。有一貴游子。破產流蕩。常往公所。忽竊一
名畫去。左右欲追之。公急止之。曰。我哀其困。故與之。
非盜也。○彭季長出金釧數隻示客。或袖匿其一。公
不言。衆驚求之。公曰。只此數耳。無失也。將去。袖釧者
揖而墜地。公曰。乃出我袖中耶。其委曲揜人過如此。
○羅雙泉會試寓京。亾其罽褐。同舍生物色得之。給
公訪其人。比入坐。故探其囊。曰。此非君物耶。公愕然。
曰。君誤矣。物偶相類耳。出語生曰。吾失褐。無甚損。彼
得惡聲。尙能爲人耶。○白一人誣迹不必其知。**徵事**劉誠意公

失得遣者。密爲救解而免。其人或知而詣公謝。則拒
不納。其人不知。亦未嘗爲人言也。○趙康靖公口未
嘗言人短。與歐陽文忠同知制誥。後亦同秉政。及文
忠被謗。康靖密申辨理。至欲納生。平誥勅。而文忠不

知也。○獎借一人得以餬口。

增註 卽薦人也。須量其人果可承任。乃薦之。不則恐

犯薦人不慎之過。

附錄

范文正在淮楊有孫秀才索

遊上謁公助錢一千。明年復謁。又助一千。因問何汲

汲如此。戚然曰。母老無以養。若日得百錢。則甘旨足

矣。公曰。子非乞客。吾補子爲學職。月得三千以供養。

子能安於學乎。孫生大喜。後十年。有孫明復先生。以

春秋授徒。道德高邁。朝廷召至。則前索遊者也。文正

乃嘆貧之累人如是。雖才如

明復。猶將汨沒。況其下乎。

○與人共事。不負氣自

矜。虛衷服善。

徵事

葛可久。朱彥修皆名醫。葛診一人

曰。子三年疽發不救矣。朱教以日飲梨

汁。不致大害。後果無恙。葛知其故。嘆曰。竟出朱公下。

何醫爲悉。取平生所論著焚之。曰。留之。適以禍人。○

程子嘗與韓公維。范公祖禹。泛舟潁湖。有屬吏求見。韓公既已見之。退而不悅。曰。謂其以職事來也。乃求薦舉耳。程子曰。公爲州太守。不能求之。顧使人求君乎。范公曰。子之固。每若是也。夫今世之仕者。求舉於其上。蓋常事耳。程子曰。是何言也。不有求者。則遺而不及知也。是以使之求之歟。韓公無以語。愧且悔者。久之。程子顧范公曰。韓公可謂服義矣。**發明**胡五峰曰。知人之道。驗之以事。而觀其詞氣。從人反躬者。鮮不爲君子。任已蓋非者。鮮不爲小人。○明道先生曰。舍已從人。最爲難事。已者。我之所有。雖痛舍之。猶懼守已者。固而從人者。輕也。○韓魏公曰。人能平得有已之心。則爲賢人矣。人人莫不能道之。及行事。大爲難事。常令着意于此。勿以爲易也。

◎已有可稱美者。事過若忘。不欲

矜高以愧人。

徵事

錢若水爲同州推官。有富民失女。

奴。父母訴于州。委之錄參。錄參舊與富

民有求不獲。遂劾富民父子共殺。誣服。具申覆覈。無異。獨公遲疑。錄參罵曰。汝得富民錢。欲出之乎。公笑曰。父子皆坐重辟。豈不容某熟察。一日屏人告知州曰。某之遲留富民獄者。慮其冤耳。使人訪求女奴。今得之矣。密送州所。知州覆審。遂釋富民。富民感泣。知州曰。此推官之賜。非我也。富民詣謁。閉門不納。富民拜哭于門外。歸而大布施。以爲公祈福。知州以公雪冤死者數十人。欲奏其功。公辭曰。某初心止欲雪冤。非圖名高萬一。敷奏在某。固好。如錄參何。知州歎服。錄參知之。叩頭愧謝。公曰。獄情難知。偶有過誤。何謝也。錄參益感服。顏壯其曰。此一事有三善焉。讞獄平冤。一也。不自以爲功。而推之知州。二也。不圖奏最。爲

錄參地三也。以爲下則仁。以爲上則恭。以爲同僚則恕。世之小善小德。惟恐人不聞知者。視此甯不愧死。
○晏文獻公初爲館職。時天下無事。許臣僚擇勝燕飲。當時士大夫各爲宴集。以至市樓酒肆。往往皆供帳。爲遊息之地。公惟家居。與昆弟講習。一日。選東宮官。忽自中批除晏殊。執政莫諭所因。次日進覆。上諭曰。近聞館閣臣僚。無不嬉遊燕賞。惟殊杜門。與兄弟讀書。如此謹厚。正可爲東宮官。公旣受命。得對上面。諭除授之意。公語言質野。對曰。臣非不樂燕游者。直以貧無可爲之具。臣若有錢。亦須往耳。上益嘉其誠實。○神宗時。丁原爲鬼所憑。言事或驗。士庶輻輳事之。後以傳習妖教。下獄。詔差官按之。得諸公書。自韓曾以下。皆有之。而文潞公獨無。上問其故。公曰。臣但不知耳。知之亦當有書。時人美其分謗。與晏公事相

同。

◎推誠體貼人情。貽之以安。委曲盡道。

一小事爲

倍論

發明

格言曰。臨事肯替別人想。是第一等學問。

徵事

曹武惠知徐州。有吏犯罪。具案踰年。杖之。人莫

知其故。公曰。吾聞此人新娶婦。若杖之。舅姑必以婦爲不利。而朝夕詈之矣。吾故緩其事。而法亦不廢。○

許棠久困名場。謁馬戴。戴一見如舊識。留連數月。但詩酒而已。未嘗問所欲。棠一旦得家書。感而至泣。蓋

戴知其家貧。潛遣人恤其家。不聞于棠也。

附錄

濠上

父老嘗言。里有汪姓家。固貧落。而邑奸胥賦以大繇。兩張尙書憫焉。曰。無令吾里中有貧而繇者。官聞而罷之。汪感兩尙書德。操豚蹄菓酒爲謝。私謀于家人曰。一豚蹄菓酒耳。而謝兩尙書。令先一受者。則次難更辦矣。南張尙書介絕交際。盍先以往。遂往謝莊簡。

公公辭曰。吾第謂吾里不當有貧而繇者。奈何言報也。色甚峻。已往謝莊懿公。公曰。爲邑賦繇不平。公言之耳。不宜當爾謝。然而餽我。旣辦矣。夫貧家豈堪虛此供具哉。吾當受出金一兩酬之。至今里中謂兩尙書。一潔而有守。一和而善。卹人也。

○受人一不堪。絕無怨怒。益加自

責自修。

徵事狄武襄公爲真定帥。一日宴孫沔。有劉

人以儒爲戲。勃然曰。黥卒敢如此。至詆武襄不絕口。擲樽俎而起。沔微睨武襄了無異色。笑語愈溫。易歸方自悔而武襄已踵門謝矣。**增註**上文旣云忍受一橫逆。而復有此條。蓋橫逆能忍。人情間或有之。若此條。卽感應篇所謂受辱不怨也。其功則尤難矣。狄武襄事。仍不異于橫逆。以愚思之。辱之難忍。莫甚于當

衆指斥過失。一時不答。中心未有不含怨者。夫誰能恬淡處之。謙沖受之。昔人每舉呂文穆公。富文忠公。二事爲法。夫如二公。又有不難者。文穆居高位。負顯名。朝士一言。何足爲重輕。富公受人之罵。此橫逆也。置若罔聞。不必富公之德量。可勉而能。若吾輩僅負微長薄善。方自託雅流。惟望人褒獎贊揚。以鼓舞其志。而忽有一人當衆斥辱之。且所斥又確中其失。當其時也。必赧顏無地。莫可施設。不覺苛責人之念起矣。怨憤人之念起矣。妒嫉人報答人之念起矣。且摘人陰私。造謗妄汙。人之念亦起矣。旣則喜聞其過矣。見其憂驚漠不爲念矣。彼失利名。心生歡喜矣。由是沒其長。揜其善。播其惡矣。且嘲笑之。詆毀之。無所不至矣。偶因一時之辱。結成終身之怨。雖自己屢犯過惡。不能禁制。人情大抵然也。故知此條。不持功過格。

者必不能。初持功過格者猶未能也。必久持功過格始可以到其境。諳然而究無難也。志不在乎虛名。惟內修夫實德。則將淡喜人之督責。豈沾沾介意乎。○愚之初註如是。旣而細讀白文。又知受不堪與感應篇之受辱。仍微有分。蓋不堪可兼橫逆與斥辱二者。上條所謂忍受一橫逆。只言無知小人之橫逆。忍耐一時。此易學者更有妖險小人之橫逆。嫉善如仇。無道迭加。至有貽人以甚不堪者。所以處之。則非僅云忍字而已也。必如此條白文之所謂自責自修。乃見學問精淡。或問程子。君子之與小人處也。必有侵凌困辱之患。則如之何。程子曰。于是而能返已。兢謹以遠其禍。則德益進矣。詩不云乎。他山之石。可以攻玉。此一條中實包此意。初註但舉受辱。正未足以盡之也。功過格之不可不細讀如是。

二十功 見人之得失如已之得失隨在皆然一月無間。

發明

歐陽文忠公好賢樂善常以平心爲難中丞彭

思永好學不倦常語人曰吾不爲他學自幼卽學平

心○何龍圖曰虛願無當須求其實如還遺金拒奔

女救性命濟孤貧救患難賑饑饉乃爲積善之實際

乎又其大則法制焉造萬民之命謀猷焉禋百世之

福幹濟焉解億兆之危乃爲達善之實際乎第凡此

殊不易辦且不易遭或限于勢詘于力殫于能蓋萬

鮮一就矣茲有捷取法在不假勢力不借才能而所

就有加於達之之實際者人亦肯一轉念而旋收其

美乎此元修也妙詣也亦曰見人之得失如已之得

失而

○受一謗不辨

發明

袁了凡曰聞謗而不怒雖

已 讒焰薰天如舉火焚空終將自

息聞謗而怒。雖巧心力辨。如春蠶作繭。自取纏綿。○
王陽明曰。昔人有言。何以止謗。曰。無辨。人之是非毀
譽。如水之濕。如火之熱。久之必見。豈能終掩其實者。
故有其事。不可辨也。無其事。不必辨也。無其事而辨
之。是自謗也。有其事而辯之。是益增已之惡。而甚人
之怒也。皆非所以自修而平物也。**徵事**。呂許公性沉
靜寡言。有器量。初爲相時。金部員外郎張紳知蔡州。
坐贓免。或言於上曰。紳洛中豪家。安肯受賄。乃蒙正
未第時。與索於紳。不能如意。以致其罪耳。太宗卽時
復紳官。公終不自辨。未幾罷政柄。會置考課院。得紳
舊事實狀。上謂群臣曰。張紳果實犯贓。向者誤疑蒙
正矣。黜紳。召公復人相。○蔡端明嘗飲會靈東園。坐
客有射矢誤中傷人者。或指爲公矢。事聞上。以問公。
公再拜愧謝。終不自辨。退亦未嘗以語人。聞者服其

德量。○唐穆宗時錢徽典貢舉西川節度使段文昌以書囑收所善故人榜出不與文昌怨之。譖徽不公坐貶。或謂當奏其書。徽曰。事苟無愧得失一致。奏人私書吾所不爲。○李文靖爲相有狂生叩馬獻書詆之。公遜謝曰。俟歸當詳覽。狂生肆詆曰。居大位不能匡濟天下。又不能退久妨賢路。甯不愧乎。公於馬上蹴踏曰。屢求退奈上未允耳。觀者皆悞歸後賓客多不能平。公正襟端坐讀其書。竟徐曰。其言甚可警惕。其人殆所稱慇者歟。不置辯一語。

◎出力任一公事不苟飾目前必

經慮永久以利後人。

徵事

嘉善治前都憲坊爲陸簣菴建也。舊爲平政坊。縣委公之。

祖修之。工制堅固。爲費孔多。或問之。公祖對曰。省得又累後人不再傳。竟自受用矣。君子固不爲有心之

求造物每巧

於有心之報

◎推誠任一賢能使得盡心展布

徵事

公言杜祁公公心而樂與人善。既知其人無復毫髮疑間。始琦爲樞密副使。論難一二事。祁公不樂久之。相亮每事問曰。諫議看來未。諫議曾看。便將來押字。琦益爲之盡心不敢忽。以此見祁公存心至公。不必以出於己爲是。賢於人遠矣。○范忠宣公簽書許州判官賈丞相文元守許。政事無大小一皆詢公。公亦盡誠無所迴避。賈無不從者。公退而歎曰。賈公信我如此。豈可容易妄言。益使我臨事而懼。謹擇而言。期不誤公聽。○程明道先生雖奴僕必託以忠信。嘗自澶淵遣奴持金詣京師買用物。什金之數可當二千。奴無父母妻子。同列聞之皆駭。且謂既而奴持物如期而歸。衆始歎服。○趙襄子舉任登爲中牟令。登

薦中牟士瞻胥已。襄子見而以爲中大夫。相國曰。意者君耳而未之目耶。爲中大夫若此其易也。襄子曰。吾舉登也已耳。而目之矣。登所舉也。吾又耳而目之。是耳目人終無已也。

五十功 接人克盡禮節謙恭和順不傲不諂。

發明 就終身言。不傲。

則無失禮於貧賤矣。不諂則無過禮於富貴矣。非中正好修之士其孰能之。○劍埽集云。待富貴人不難。有禮而難。有體待貧賤人不難。有恩而難。有禮。附錄。方正學曰。處俗而不忤者。其和乎。其樊也。流而無立。持身而不撓者。其介乎。其樊也。厲而多過。介以植其內。和以應乎外。斯庶矣乎。◎當大事能。

損已益人。

徵事

吳江沈嘉謨樂善好施。同邑有顧姓子甫十齡失怙。而家業頗饒。時植倭寇邑。

令集諸大姓議餉軍大戶。衆謂無如顧子。公獨惻然曰。顧子孤兒。甯堪此役。衆謂彼僕豈少。公曰。吾正慮彼強奴挾重役以欺凌幼主。則家便立破耳。必欲役顧子。我願爲之代。直因自註已名。軍興幾年。不累顧子。合邑頌義。公二子三孫皆中甲科。○李文達公賢父爲富商。載棉花停邸寓。有臨江三商以三百兩易之。舍旁火發。延燒無遺。三商大慟曰。本罄難歸。非死則行乞耳。李聞而呼之曰。貨未及舟。猶爲我物。且我本尙厚。公等本薄。失之無以資生。我不忍見也。取三百金盡還之。是夜夫人在家。夢緋衣人賜以玉童。明年文達公生。位至宰相。**增註**按此條記功。有難以臆定者。其事既有大小之遞殊。所損又有多寡之迥別。格則以五十功爲準。當亦約略其中數而垂之訓辭。而議增議減。愚意亦當循例以推移也。卽若沈李二

公庸詎可以五十功盡之。夫賢者之能損己益人。至於如此。誠能人所難能者也。而苟其不難勉者。誰不當感而興乎。抑前輩嘗舉雲間蔣給諫事。是亦足爲行善者風告焉。公諱性中。第進士。告歸。有司舉故事。爲立表於門。時壘竇湖病涉久。公曰。榮吾家。曷若以利吾鄉乎。卽移所費爲石梁于湖上。往來便之。以此視沈李二公。差爲易能者歟。然尙有易焉者。量力之所能。準事以記功可也。◎待己身大

怨難忘能忘可報不報

徵事

海門崔鑛以税金五百

兩付鎔工。工欺其無証而負

焉。鑛破產以償。後王端毅公爲守。得其實。命訟工對曰。鑛家已破。若訟之。是又破一家也。工聞感愧。舉前金還之。崔之子孫相繼登第。此可報不報者也。陳忠肅公父幼爲同族所虐。適族中有同怨者。告翁曰。某

無道甚。我欲訟之官。煩君爲証。翁力爲勸阻。其人曰。某有大怨於君。君甯不恨之耶。翁嘆曰。宗黨間何忍言一恨字。彼特學問未至。我與若旣知義理。忍耐爲主。安可效尤。其人感其言而止。此難忘能忘者也。報就事言。忘就心言。不報誠爲功矣。直以忘之。尤非可易及焉。

◎薦引一大有德人

薦引一長才利衆者同發明。孔子曰。雖有國士之力。不能自舉其身。非無力也。勢不可也。故入而行不修。身之罪也。出而名不舉。友之過也。穀梁子亦曰。學問無方。心志不通。身之罪也。心志旣通。而名譽不聞。友之罪也。劉子曰。進賢爲美。逾身之賢。徵事。韓康伯與吳隱之鄰居。隱之執母喪。康伯母每聞其哭。輟殮投筯爲之悲泣。旣而謂康伯曰。汝若居銓衡。當舉如此輩人。及康伯爲吏部尙書。隱之遂階清級。人以誦母

之賢明。**廣義**薦引賢才，必須識明見遠，抑絕私意，勿避嫌疑。君子謂祁奚能舉善者，讐則稱之，子則立之，惟其公而當也。觀古得兩事，愚謂其淡有合於愛憎取舍之則，謹錄誌之。○晉文公問西河守於舅犯，以虛子羔對，曰：子羔非汝之仇歟？曰：君問爲守者，非問臣之仇也。子羔見舅犯，謝舅犯曰：薦子者，公也，吾不以私事害公義，子其去矣。顧吾射子矣，蓋雖薦而怨仍在也。豈非公乎？唐肅宗謂崔祐甫曰：人言卿擬官多親故，何也？對曰：陛下令臣薦擬庶官，夫薦擬者，必悉其才行，如不聞知，何由得實？帝然之。又程明道爲御史，神宗常使推擇人材，先生薦數十人，而以父表弟張載及弟頤居首，蓋旣無私心，則期於當而已，豈避嫌哉。

百功生平不負一然諾。

徵事

卓恕嘗還命稽辭太傳諸

日至日恪爲主人停不飲食欲以須恕賓客咸曰會稽建康相去千里道阻江湖約豈可必俄而恕至一

座盡

驚

三百功

一生仁厚待人至誠無異轍。

徵事

羅慶同號善

之事無親戚貧富以病請藥必與善品不能償者不强索嘗大雪夜半聞扣戶聲亟起問之則境外儒生爲母市藥者也延入坐而嘆曰夜市藥者多矣要皆急其妻與子未有爲母者也子其孝者歟因勞其良苦飲食之儒生出金釧質藥問之曰已物乎抑母所服用乎曰已未有室此母物也又問母命之乎曰病

袁纂力過格

卷六

與人格

交接

三

因不知也。慶同曰：而母病間，聞市藥，問所質，云去金釧心當恚忿，是益其病也。亟持去，手授良藥，復遣人衛行。後儒生數數來取，心不自安，留券爲憑。歲且暮，儒生券未酬，家人持之曰：券直若干，奈何？慶同笑曰：汝爲我惜金耶？投之火，竟不問。明年春，有騎從帷車來者，問之，則負券儒生母子也。其母手持金布拜曰：微翁不得至今日，無以報病起手織此布爲壽。是以後期，願翁世世子孫綿綿如此布矣。慶同謝受，使贈答之。其善行類如此。雙泉念菴兩先生之名德，夫蓋有以啓之也。○烏程沈空菴敦積陰德，一日招窮親之婦來家做絲，婦忽匿數縷。公適遇見，卽急却步。私語曰：不該去，不該去。其夫人訊以故，公復曰：不該去。夫人促語甚力，公曰：我頃至做絲所，不料遇見其匿絲。我雖不道破，渠必捏抗我。又不便安慰彼，因此悔。

我若不去。亦不相值也。夫人曰。我以若爲不可解之事。此直易易耳。唯俟渠交絲時。取看。贊其絲好。倍與之錢。彼便以爲不見前事矣。公喜甚。一一如其所言。其隱德多如此。子孫登第貴顯者甚衆。里人稱述不衰云。○劉調父曰。太宰屠襄惠公。瀟部堂燕居。令辦事官奉硯。時公新衣白綾甚澤。其人誤傾硯注狼籍。公衣頓顙。請罪。公曰。去去。鄉有柴姓者。假稱屠公子。沿途騷動。人以聞於公。公但呼而戒之曰。汝爲吾子。置汝父何地耶。法有明禁。自今慎無復爲此。其人頓首而退。此亦足以覘仁厚也。○焦雍臣嘗述浙東一事。惜忘其姓名。有某甲婦。徒步歸母家。中途遇雨。避牛車棚中。適生某乙。亦以避雨奔至。見有婦人。乃却立簷下。旣而雨更大。天暮。婦殊窘。乙語之曰。雨甚天黑。吾不能去。卽去。汝以一婦人處此。能無驚懼乎。吾

駐此幸無恐。夜半雨始霽。乙立簷下。竟夕天明各散去。婦一日偶謂小姑曰。世不乏君子。姑問故。婦述之。已而嫂姑諍語。姑卽以此事耻之。聞於兄。甲大怒斥去。婦歸母家。晨夕禱於天。祈顯應。逾六年。甲乙同舉。順治甲午榜。又爲同房生。適兩生同謁房師。房師謂乙曰。子文初未入選。欲擲去。輒有光騰起。如是者三。必有陰德。乙遜謝。固問之。乃曰。曾有一事。夢神嘉許。因述避雨時事。偶然誠念。不意遂爲神明見許。甲聞聳然起揖曰。此某婦也。公真君子。如公之誠至不苟者。世蓋少見。婦以此嫌。見棄六載。今乃得白。殆天意乎。愚按仁厚之人。無不至誠。如乙生者。良可嘉矣。

◎一生真實對人無纖毫

欺僞隱伏

徵事

丁謂與人。不作一真實語。嘗曰。人若實心。諸事俱幹。不出。徒受人侮弄。世人目

爲五鬼。嗟乎。近世澆風。人懷此見。家狃是術。父授子承。莫不以老實朴誠爲切戒。豈非青天白日之中。隨地皆鬼蜮爲輩乎。○魯宗道真宗時爲諭德。嘗遣使召之。宗道方與鄰人飲酒。使者曰。上訝來遲。何辭以對。宗道曰。第以實告飲酒。乃人之常情。欺君。臣子之大罪。使者如其言。上嘉忠實。拜叅知政事。○魏翟黑子奉使受賂。事覺。謀於著作郎高允曰。主上問我。當以實告。爲當諱之。允曰。公帷幄寵臣。有罪首實。庶或見原。不可重爲欺罔也。中書侍郎崔鑒公孫質曰。若首實。罪不可測。不如姑諱之。黑子怨允曰。君奈何誘人就死地。入見帝。不以實對。帝怒殺之。後允同崔浩修史。以暴揚國惡當誅。太子嘗受經於允。入言高允小心慎密。且微賤。制由崔浩。請赦其死。帝召允問曰。國書皆浩所爲乎。對曰。太祖紀前著作鄧淵所爲。先

帝及今紀。臣與浩共爲之。然浩職總裁。臣著述尤多。帝怒曰。允罪甚於浩。何以得生。太子懼曰。天威嚴重。允小臣。迷亂失次耳。臣嚮問皆云。浩所爲。帝問允。信如東宮所言乎。對曰。臣罪當滅族。不敢虛妄。殿下以臣侍講日久。哀臣欲丐其生耳。實不問臣。臣亦無此言。不敢逃。亂帝顧謂太子曰。直哉。此人情所難。而允能爲之。臨死不易辭。信也。爲臣不欺君。貞也。宜特除其罪。以旌之。遂赦之。後太子讓允曰。吾欲爲卿脫死。而卿不從。我於帝前。不勝震恐。允曰。臣與崔浩實同。史事死生榮辱。義無獨殊。誠荷殿下再造之慈。違心苟免。非臣所願也。太子動容稱嘆。允退謂人曰。我不奉東宮指導者。恐負翟黑子故也。

◎一生

愛憎無偏私。準於天理之公。隨在平衡中正。

發明按
刻本另

有云。取人以公。不因阿已而悅。不因逆已而棄。詞意
極爲顯達。愚意如此者。僅舉其克已工夫。於好惡上
僅完得一公字耳。尙有一正字。又必須窮理工夫。乃
能全之。義取兼備。誠不若白文所舉之渾全。雖然。無
私心。然後好惡當於理。未有不公而能正者也。是故
克已爲重焉。**徵事**。寇準數短王旦於帝。而旦專稱準。
帝謂旦曰。卿雖稱其美。彼專談卿惡。旦曰。此臣所以
重準也。臣在相位久。闕失必多。準言之無隱。益見忠
直。後準以僭侈被劾。旦以全家保其無罪。疾革。惟薦
寇準上。難其剛直。旦曰。他則臣所不知也。是真所謂
至公無我者乎。○程元鳳在政府。一契交子求貳令。
元鳳不許。乃以先世爲言。元鳳曰。先公疇昔相薦者。
以元鳳粗知恬退故也。今子所求躡次。豈先大夫之
意哉。矧以國家官爵報私恩。某所不敢。有嘗遭元鳳

論列者其後更薦拔之。每日前日之彈劾成其才也。今日之擢用盡其才也。此非無私者曷能之。○好惡誠以無私為主。乃以當理另一層言者何。儘有無所私之人。而好惡難得其正。如荀彧不識曹操。武侯誤信馬謖。溫公不知邢恕。劉元城不知程伊川。游定夫。胡文定不知秦檜。昔賢以為燭理不明故也。○此條白文最不易盡。能之則為聖人矣。豈容概以望人。愚正欲人之省察於此。未可以淺陋之衷而翹翹然輕言好惡也。○凡與人酬接。涵養深純。春和益溢。使傲慢者惡也。

化暴戾者容。

發明

楊龜山曰。物有圭角。多刺人眼目。亦易玷缺。故君子處世。當渾然天成。則

人不厭棄矣。○薛文清公曰。心誠色溫。氣和詞婉。必能動人。○韓魏公曰。內剛不可屈。而外能處之以和。

者所濟多矣。又曰：以之遇，則可以成功；以之不遇，則可以免禍。**徵事**：程明道爲御史，積誠悟主，而容色溫溫。帝與語，必浹動，謂先生曰：「頻求對來，欲常常見卿。」一日議論甚久，日官報午正，退至廷，廷中人相謂曰：「御史不知上未食耶？蓋嚮信如此。」會王安石信用，先生開誠忠告，安石常意動內屈，而群小從諛附和，揚詔之堅，欲行新法。先生上書言之，帝令詣中書會議。時安石方怒言者，盛氣胥之。先生從容進曰：「天下事非一家私議，願公平氣聽之。」安石爲愧屈。先生稍得間，乃爲言：「管仲霸者之佐，猶謂出令當如流水，務順人心，參政以道德佐人主，奈何欲爲不順人心之事？凡爲此者，欲廣上德意，助成公光美耳。」安石拱手曰：「此則感賢誠意。」而是日張御史戢於中書，大悖。安石意大激，於是言者皆得罪，而先生獨除西京提刑，辭。

曰。臣忝竊臺諫。臺諫之任。係朝廷紀綱。其言是。願行之。令妄言當賜譴責。不拜命。改簽書鎮寧軍節度判官。後帝手扎暴諸言者罪。獨先生無責詞。安石逐不附已者。亦每言曰。夫人雖未知道。然忠信人也。伊川作傳。稱其純粹如精金。溫潤如良玉。視其色。其接人也。如春陽之溫。聽其言。其入人也。如膏雨之潤。豈弟多恕。平易易知。無賢不肖。咸使其欵曲自盡。而從容誘掖。咸獲其益。至今想而像之。非與功過格此條。脗合無間者歟。

千功 常懷與人爲善心。不輕督過。

發明 樂與人爲善者。人有片善。則節取之。

有微善。則獎借之。未善。則勸教之。欲善。則贊成之。卽其不能爲善也。亦常以善人期待之。初無鄙棄人之

意至於人之有過。則非但不敢言之。且惟恐或聞之。或親見其過也。則乘機以化誘之。委曲以彌縫之。初無責怒人之意。如是之與人。真如春風太和之鼓物。被其澤而化者。固有出於不知不覺者也。故其功甚大焉。○緒山先生曰。教與學只是一事。我誠心爲善。人自起同善之心。則教亦行乎其中矣。要人爲善。誠心委曲以導之。則學亦在其中矣。**增註**上條就氣度言。此條就心術言。有上條之氣度。而復兼此條之心術。傳所稱萬物一體者。不可想見歟。見諸言事。則詳於勸化條。

千過常懷苛責人心使人無可容身

發明諸晉三曰。人非至聖。孰能無過。

自責貴嚴待人貴恕。古聖賢之與人也。恒略其過而錄其善。况處三代之下乎。善哉程子之言曰。君子於

人當於有過中求無過。不當於無過中求有過。此殆爲苛責人者。痛下砭針也。羅近溪每見人有過。輒提怪。不得三字。謂吾儕日居善地。日親善友。猶不免有過。此輩或所遇不得其所。或所交不得其人。或未聞善言。未見善行。其過失如何。怪得他。以怪不得三字待人。何等仁恕。○柴文伯曰。論人之過。當原其心。不可泥其迹。取人之善。當據其迹。不必誅其心。

百過

受大恩忘報

謂如被人救出厄難。及援引得致富貴。全家受賜者。若小恩忘報。一事一

過

非謂當可報而不報。謂平時意念間忘之也。

若有求罔恤。應再加二倍論。至於以怨報德。乃無人心者。不可與之記過矣。徵事。昔張弼脫李大亮之難。後大亮貴。悉推家財與之。弼拒不受。大亮言於上曰。

臣及事陛下。弼之力也。願悉臣官爵與之上。爲遷郎中。司馬溫公曰。受人恩而不忍忘者。其爲子必孝。其爲臣必忠。李公有此。宜其爲唐名臣也。**附錄** 涑水記聞曰。王逵者。少爲屯田郎中。李曇僕。旣而去。曇應募兵。以選入捧日軍。凡十餘年。會曇以子學妖術妄言事。父子械繫御史臺獄。上怒甚。治獄急。曇平生親友。無一人敢餉問者。逵旦夕守臺門。不離。給飲食。候顏問者四十餘日。曇坐貶恩州別駕。仍卽時監防出城。諸子皆流嶺外。逵追哭送之。防者遏之。逵曰。我主公也。豈得不送之乎。曇河朔人不習嶺南水土。其從者皆辭去。曰。我不能從君之死鄉也。數日。曇感恚自死。傍無家人。逵使子守其屍。出爲之治喪事。朝夕哭如親父子。見者皆爲流涕。殯曇於城南佛舍。然後去。嗚呼。逵賤隸也。非知有古人臣烈士之行。又非矯飾求

令名以取祿仕也。獨能發於天性至誠，不顧罪戾，以救其故主之急，終始無倦如此，豈不賢哉？嗟乎！彼所得於曇，不過一飯一衣而已。今世之士大夫，因人之力，或致位公卿，而故人臨不測之患，屏手側足，戾目視之，猶懼其禍之及已也。若畏猛虎，遠避去之，或從而擠之，以自脫，敢望其優卹賑救耶？彼雖巍然衣冠，類君子哉！其行事則此僕夫必羞之。

◎造謗妄污一人

誣壞一清德者，加二倍。**徵事**陳

棟塘曰：余昔叅楚藩時，公安縣白教諭會試入京，有太和山道姑造衙化緣，其妻以教諭名書簿，施銀一兩，又與紵絲一丈，綉幡甫去，而同官妻過訪曰：適疏簿，乃上司出給者，見儒官與道姑往來，恐爲累不小。白妻信之，急令人追尋，不獲。旦夕怏怏，教諭下第回，取紵絲裁衣，却又剪動，益不自安，遂自縊死。後撫院

林公會議賢否冊謂余曰白教諭姦學吏妻其妻有
言勒令縊死豈非狗彘余駭然乃述所聞以告公沉
吟間余曰未審前言得之何人請更訪之公幡然悟
曰是矣是矣卽奮筆抹去考語白因得陞國子助教
余轉官閩臬見林公於莆田公指鄰家曰此吳姓者
向爲公安訓導毀白教諭者是也後陞萍鄉教諭亦
爲同僚諧歸過鄱陽湖舟幾覆僅以身免今且無聊
矣吁昔自謗人今爲人謗報施之說豈不信然**廣義**
造謗污人險惡姦僞其毒最深以愚揆之直不足煩
功過格之誅責其列此者非以戒造謗之人正欲使
聞謗者慎而聽焉詳而察焉毋以不根之語而橫置
胸中其以誤疑君子者多矣蓋謗污之口其亦何所
不至昔直不疑在漢文帝朝或毀之曰不疑狀貌甚
美然獨無奈其盜嫂何也不疑聞曰我乃無兄漢明

帝戲第五倫曰。聞卿爲吏。撾婦翁。不過從兄飯。有諸對曰。臣之三娶。皆無妻父。嗚呼。造語詆誣。有如是者。不特此也。蘇子瞻咏檜詩云。根到九泉無曲處。世間惟有螫龍知。王珪摘以語帝曰。陛下飛龍御天。而軾欲求之地下之螫龍。非不臣而何。朱晦翁當日韓侂冑之徒。攻擊誹詆。不遺餘力。至謂道學權臣。結爲死黨。窺竊神器。又謂晦翁講學山中。棄母不養。使其乞食親黨。夫子瞻之吟詩。而指其不臣。晦翁之講學。而謂其窺竊神器。謗口之險毒。蓋至此極哉。而謂可輕聽焉。否也。**附錄**宋英宗自濮藩立爲太子。稍稍傳言有異議者。指蔡襄一人。及卽位。意便忿然。襄疑懼。請出。既有除命。歐陽修進曰。聞蔡襄文字。尙在禁中。上曾視否。帝曰。文字卽不曾見。然不可知其必無。修曰。若無文字。事安可知。就使陛下曾見。猶須更辨別真。

僞。往時夏竦必欲陷富弼。先令婢子學石介書法。學成僞作介書與富弼。謀廢立事。書未及上。爲言者廉知而發。賴仁宗神明。弼得免禍。至於臣丁母憂還朝。有嫉臣者。亦僞撰臣一劄。言乞汰內豎。欲以此激怒羣闥。是時家家有本。中外喧傳。亦賴仁宗保全。得至今日。由是而言。陛下曾見猶須辨真僞。況止傳聞之語乎。帝忿寢釋。

五十過

排擯一有德人。

徵事

趙抃爲御史。范鎮爲諫官。以論事有隙。熙甯中。王安石執

政。恨鎮訐已於上前。欲因事中之。一日上問鎮於安石。安石曰。問趙抃可知其人。上以問抃。對曰。忠臣也。上曰。何以知其忠。曰。嘉祐中。仁宗違豫。鎮首請立皇嗣。以安社稷。章十九上。鬚髮爲白。非忠臣若是乎。旣

出安石曰公不與之有隙乎。抃曰安敢以私隙廢公議。夫排擯有德者大槩以有隙耳。試觀趙公彼小人心事能不厭然心沮乎。

增註排

擯一有才者推情亦應同論。

◎當大事損人益已

徵事

有二士俱業春秋將入闈之夕一生忌同舍生

才高而同經密取其筆嚙其毫穎明日入試筆不堪

用大驚乞諸鄰不得慟哭欲出忽假寐有神拊其背

曰起起第書之既寤視筆依然精好既完文則仍禿

筆也生出遇彼生問曰試文必佳答曰但得完篇耳

其人面發赤明日彼生貼出禿筆者中魁選朱少傳

國楨記其事按損人益已其端非一此尤其甚者也

○朱文公知崇安日有小民貪大姓之吉地預埋石

碑於其墳前數年之後突以強佔爲訟二家爭執於


庭不決文公親至其地觀之見其山明水秀鳳舞龍

飛意大姓侵奪之情真也。及去其浮泥，驗其故土，則有碑記，所書皆小民之祖先名字。文公遂一意斷還之。後隱居武夷山，有事經過其地，閑步往觀，問其居民，則備言其埋石誑告罔上事。文公懊悔無及，乃曰：「此地不發，是無地理；此地若發，是無天理。」祝罷而去。是夜大雨如傾，雷電交作，霹靂一聲，屋瓦皆響。次日視之，其墳已毀，成一潭。愚於此事而益知天人之際微矣。彼民之惡天，豈忘之而未嘗發者？所謂有記性無急性也。今以文公一誠感觸而顯報立彰，其未發也若置焉，其即發也若應焉。朝廷之考惡官府之誅奸大概如斯。吾以知天之蒼蒼，非徒形以臨之，而實有神以鑒之也。世之設巧營私，恃智術爲得策者，盍嘗一舉首而瞻焉。彼蒼蒼者，豈真無眼也哉。

附錄郭原平孝子也，以種瓜爲活，每出貿，裁求半價，人如本

價與之。必讓而後受。大明中大旱。瀆水不通舟。原平瓜船至。縣令聞其賢。下瀆水通之。原平曰。普天大旱。百姓俱困。豈可減溉田之水。運瓜船乎。走他道貿之。太守蔡興宗表其殊行。陸曰。新桐邑生。是年陸陪貢。正貢沈惟籥。因跌損不能起。縣學起貢文書。俱竟送陸名。沈自揣狼狽。語陸曰。吾當讓君。言訖。淚如雨。陸惻然曰。兄疾可瘳。何遽讓我。時親友多勸陸貢。陸不應。值洪宗師考。陸扶掖沈至案前。代爲之稟。沈遂得貢。縣申舉陸德行。洪亦極稱之。子懋元有俊才。少年成進士。

◎嫁禍一人

徵事李
緒知永

安軍時。大盜方起。慮及禍。乃薦友范鋤代已。未幾盜破永安。鋤被害。妻子逃脫。而緒赴調臨安。路上逢寇。反致舉家受害。夫禍福自有定數。巧意嫁人。徒自壞其心術耳。○按此乃事值難爲。而隱然嫁人者。若孽

由已作。而明以嫁人。其惡尤重。常焚進士王翼做家。有僕二人。一黠一愚。黠者盜主之金。反誣愚者。時進士父子在官。其紀綱不察。卽將愚者送官。嚴笞追金。舉家疑冤。而黠者證之甚力。愚者竟不自辨。夜繫愚者於旗杆下。委黠者押視之。更深夜震。劈旗杆爲兩截。黠者亟死。滿城聞雷聲甚厲。獨愚者寢。其傍嗒然如弗聞者。晨檢黠之室。向所失之金猶在。愚者乃得白。時天啓辛酉六月初四也。○梁谿倪慕劬家有人盜池魚。諸僕擒毆之。慕劬方臥驚起。已斃其一。縣令獨坐家長繫獄。親族群議。謂事出諸僕。僕若認辜。主可脫禍。時下手之僕皆驚諉。一僕名張耀。實非下手者也。挺身出認之。縣令反覆鞫訊。耀力言賊係已毆。與主無涉。辭色侃侃。主乃得釋。餘人無一及者。嫁禍於人者。視此何如。

三十過

以私意蔽人一善

增註

善未彰者無心揚之爲

隱人善善既彰者有意掩之

爲蔽人善其過大小截然別也

徵事

汝陰令趙麟陽

纂修邑志以編輯屬林劉兩生有富家賄兩生欲附

名節婦者然已經趙令裁定不可復增遂取前代節

婦二人削之而以賄家滿其數兩生偶步月城隍廟

見兩婦甚端整雙燭前導一從甬道一從偏門上殿

有朱衣金幘頭者下階肅入良久復送出兩生同廟

祝見而大駭避身暗處窺之兩婦指而罵曰爾削我

名有冥罰矣未幾兩生暴亡廟祝以白趙令趙令立

簡所削一則曾從子爵一則閭閻之婦也按此疑於

善之大且難者蔽之其罪更不輕也

廣義

蔽人善而

出於私或以利如汝陰兩生是也亦或有以怨者是

皆有爲之私抑更有無端而好立議論以蔽人者此

謂之刻。雖非有爲而出一己之私見。不得謂非私。白文蓋將以私意兩字統貫之歟。

二十過 徇私故棄一賢能

增註此與排擯有別。排擯謂人欲舉而我擯之。此條謂我

能舉而不舉之。**徵事**金忠於人有片善必稱之。雖有素與公異者。其人有他善未嘗不稱也。里人有數窘辱公者。公爲尙書時。其人以吏來京師。懼不爲容。公薦用之。或曰。彼不與公有憾乎。曰。顧其才可用。奈何以私故揜人之長。

◎**爲人夤緣**

得錢記過外另加二十過。**徵事**周濟號迂直司訓高安。適

門生爲督學。公不言。後寮友參謁。獨留欸。衆始知之。於是皆以請託賂公。及出案。悉召諸生曰。我實不言。凡在案者。自中選耳。其不錄者。惟勉以讀書。悉出緘金歸之。○陳約菴家居貧甚。絕未嘗居間。公府有督

學使張某按松訪公見垣壁不治徐曰入學案未出蓋導使言也公曰余所不敢聞者有三壞名節一也驕情人之子弟二也起奔競之風三也張起拜曰受教多矣增註或其人欲申冤理枉難已於夤緣求我代爲之謀終其事未嘗染指纖毫揆之情理應准救濟條保護貧弱記功又不得准此例記過也若於法有枉又應准其事之重輕非二十過足以盡之謹誌一事於此○松江唐狀元未第時館於太倉萬監生家厚蒙款待唐深感其情誼後萬因姦一婦致其夫死被訟於官時巡按御史執法已定案萬從獄底修書哀懇於唐唐方爲翰林以故人情重特告假歸救萬出隨夢怨鬼來言曰萬某姦我室殺我命事已白而君枉之我不能忘也過一月萬得病死唐憂疑恍惚未幾亦卒○胡嘉棟曰今世縉紳居鄉者多以請

託媒利。且云脫人刑獄。受金何傷。成人功名。取利非枉。不知刑賞國之大法。我以片語尺牘。顛倒是非。使有罪者倖免。則無辜者含冤。無學者倖進。則有才者被枉。抑人情好惡之公。奪天道禍福之柄。真衣冠之大盜。名教之罪人也。語

◎成人一不美事

發明 凡揆諸義理。度

諸情勢。灼見其不當爲者。便當婉轉勸阻。若復代謀而成就之。損己之德。益人之過。旣非所以自愛。亦非所以愛人。且有爲此人謀。而大害於彼人者。其間過惡。不可勝計。敢以告世之熱腸人。毋自負肝胆。而造孽於不知不覺也。按此條所指甚廣。愚謂作伐者尤宜留意。朱子鳴濟一事。可以爲鑒。附誌於此。○康熙六年。上海文學朱用樸。字鳴濟。元日蚤起。忽頭眩腹痛。見青衣四人。持牌拘攝。牌上共十一人。用樸居首。

遂與同行。俄至一所，見張掛一榜，則各犯一生善惡列焉。善事用一紅圈，惡事用一黑圈。圈下先開某事。後列始終顛末。年月日時，纖毫不爽。用樸名下紅圈僅一。蓋爲人解釋一訟事也。黑圈凡十六。第一件是代人娶妾事。樸有友欲娶妾，倩樸於嘉定縣訪覓一女。年已及笄，乃富家使女也。樸託言欲自娶，往富家面看。遂議定身價。富家收銀，批與執照，卽乘肩輿回母家。從者跟隨轎後，不覺失聲私語曰：「可惜一好女子，乃嫁與海龍王。」女聞之大疑。一到母家，卽欲與樸成親。樸則謂必待歸家成禮。適其友帶僕婦二人駕舟而至。所謂海龍王者，以貌醜故也。女知大慍，曰：「前議親時，原說嫁朱，何復有他姓？」遂欲自盡。其父母亦爭鬧不休。友懼，遂棄女而歸。其身價未索，父母茫然無措，仍欲以女嫁樸。樸曰：「我實代友而來，安有自娶。」

理友事既不成。吾兄用相。欲納偏房。甚相當也。遂作家信。遣僕歸報。用相女益疑。乃令伊兄同僕至閔行。探聽虛實。至家。遇樸父立門首。索家信。僕不敢隱。出樸書。父一見娶妾之語。頓足大怒。詬詈不已。伊兄急歸。以實告。其女竟自縊焉。偶然之過。陰司以是首列。朱子幸得復生。爲記其事。可見爲人謀事。不可不慎也。

◎苟且任一公事。貽艱後人。◎毀人成功。若當毀者。不在

此例。**增註**按此當因事之大小。而分過之重輕。似未可一定其律也。**徵事**江甯貢院前爲秦淮湖。行人以

舟爲渡。卽所謂桃葉渡也。康熙甲辰。有巨商涉此渡。適乏渡錢。舟子逼勒之。商怒曰。吾於此成橋。非難。豈靳此一錢乎。舟子不肯已。強欲令實其言。哄然市人咸集。商卽許二千金買木石。其工匠則一僧爲募焉。

僧露栖成橋之處。董其役。不勝勤勞。逾年而橋成。丙午秋闈。江甯府脫科。因歸咎於橋。諸生呈當事。立拆毀之。僧恚甚。自投於湖。旣而倡首之生。見僧詣責。嘔血暴死。今雖有橋。然毀石而爲木。過者猶深惋惜也。**廣義**。毀人成功。尤當於英發喜事者戒之。蓋人之功能。設施措置。明著成驗。而不肯安於其舊。必欲紛更而改作之。使前人之心思規畫。一旦泯沒無存。其爲罪過最大。鄭太傅感應篇。毀人成功。贊曰。三后協心。治臻成康。蕭規曹隨。漢基遂昌。其發明義蘊。可云精矣。今於功過格註釋。亦不可脫漏此意。敢附誌一事於此。○曹穆公瑋在秦州。累章求代。真宗問王文正旦曰。誰可代瑋者。旦薦樞密直學士李及。上卽以及知秦州。衆議皆謂及雖謹厚。有行檢。非守邊之才。不足以繼瑋。楊億以衆言告。公不答。及至秦州。將吏心

亦輕之。會有屯住禁軍。白晝挈婦人銀釵於市。吏執以聞。及方坐觀書。召之使前。略加詰問。其人服罪。及不復下吏。亟命斬之。觀書如故。將吏驚服。不日聲譽達於京師。億復見旦。道其事。且曰。向者相公初用及。外廷之議皆恐及不勝任。今及才器乃如此。信乎相公知人也。公笑曰。外廷之議。何其易得也。夫以禁軍戍邊。白晝爲盜於市。主將斬之。事之常也。烏足爲異。旦之用及者。其意非爲此。夫以曹瑋知秦州七年。羗人讐服。邊境之事。瑋處之已盡其宜。使他人往。必矜其聰明。多所變置。敗壞瑋之成績。旦所以用及者。但以及厚重。必能謹守瑋之規模而已。億由是益服旦之識度。

○待鄰佑情意不周

啓其怨惡

增

鄰佑間。亞於親友。重於平人。一事一節之失。固與平人同論矣。今所謂情意不

周者。平人無所冀求。而在鄰佑。則不無緩急之呼。平人罕所酬酢。而在鄰佑。則自多往還之禮。苟或有求。不應。志氣矜高。無以厭服人心。安能免其側目于睦鄰之道。有虧。則比平人又加訛過焉。**徵事**趙清獻家於三衢。所居甚隘。弟姪以厚直易鄰居。公不樂曰。吾與此翁三世爲鄰矣。忍棄之乎。命亟還翁居。而不追其直。待鄰宜從厚。此可見矣。**發明**胡師蘇曰。親族鄰里。所居甚近。相與甚久。凡生畜之侵害。童僕之攘闖。言語之有觸忤。行事之有錯悞。其勢必不能無者。惟在以心體心。彼此相容。不必詳責於人。只知反求於己。方能久處。若不忍小忿。遽生嗔怒。或自恃財勢智謀。必欲求勝。吾恐相報終無了時。勢必不能兩存。又曰。人有求於我。力能應。則應之。如不能。當和顏異語。告以難應之故。而辭之。固不可疾顏怒色。拒之太嚴。

亦不可執故延展令其失望。
按此二則真居鄉曲之善法。

十過人有未著之過輒爲揚之

徵事 李琮爲湖南觀察烹一巨鯉腹中得衡山

縣印琮因取衡山近日文書視其印篆分明似新鑄者乃召衡山令携印閱之果新鑄也琮屏人詰之令伏罪曰舊印爲人竊去某與吏懼刑戮乃潛爲之罪誠當死琮爲秘其事命齎舊印歸縣并付新印曰汝自毀之自是縣罕知者。顧方竹冬夜起庭中見樹上栖一人呵問之則相識者慰撫之曰爾雖貧奈何爲此質明來當有以濟爾翊日密與其人錢粟終不爲人言後病易簣時呼子姪戒之曰人不勤苦自立一旦飢寒迫身斯爲所不可爲者有矣因言其事徵其姓名不答曰爾輩第識爲戒何用知若人

人有功能。畏惡其形已。昧心不樂爲表章。

增註按此條視隱人

善。則不免多一私心。視蔽人善。則猶不至滅理顛倒。

故其論過各有差焉。**徵事**郭汾陽爲行營副元帥。副

元帥者。副皇太子爲元帥。總領六師。權莫尊焉者也。

有僕固懷恩者。爲汾陽將佐。從征汾陽。以其功大。願

以副元帥讓之。後人稱其忘蓋世之功能。推

卑下之僚屬。以共成國事。真可謂純乎純矣。

◎侮弄

一老幼殘疾人。

或有損害。加二倍。**發明**聞鐘集曰。孔

子云。仁者壽。古銘云。恭則壽。此是實

理。每見龐眉鶴髮之人。必有溫恭簡重。慈愛謙遜之

色。反此者。往往而夭。故曰。仁厚刻薄。是修短關。冥冥

中。所以償之者。毫

釐不爽。思之思之。◎見人失勢寡義薄情。

徵事初蘇秦之燕。貸

百錢爲資及貴以百金償之。徧報諸所嘗見德者。其從者一人獨未得報。乃前自言。蘇秦曰。我非忘子。子之與我至燕。再三欲去我。易水之上。方是時。我困故望子。湊是以後子。○韓安國爲梁中大夫。坐法抵罪。獄吏田甲辱之。安國曰。死灰獨不復燃乎。甲曰。燃卽溺之。無何。安國拜梁內史。轉二千石。甲亡匿。安國曰。甲不就官。我滅而宗。甲肉袒謝。安國笑曰。公等足與較乎。卒善遇之。○何尙之。字彥德。爲吏部郎。告休定省。傾朝送別。及至郡。父叔度謂曰。聞汝來此。傾朝相送。可有幾客。答曰。殆數百人。叔度笑曰。此是送吏部郎中。非關何彥德也。昔殷豫章亦嘗告休定省。送別者甚衆。及廢從東陽泊征虜亭。積日。親舊無一相覲者。附錄孔融與王修友。修聞融有難。夜往奔融。融初謂左右曰。能冒難來。惟王修耳。言訖而修果至。修游

學南陽止張奉舍奉舉家得疾病至戚無相視者修親隱恤之直俟其病愈乃去。范文正公貶饒州朝廷方治朋黨士大夫莫敢往別王待制質獨扶病餞於國門大臣責之曰君長者何自陷朋黨王曰范公天下賢者質何敢望之若得爲其黨人公之賜厚矣聞者爲之縮舌。○隴西太守鄧融備禮謁廉范爲功曹會融爲州所舉案范知事譴難解欲以權相濟乃託病求去融不達其意大恨之范於是東至洛陽變名姓求代廷尉獄卒居無幾融果徵下獄范遂得衛侍左右盡心勤勞融怪其貌類范而殊不意乃謂曰卿何似我故功曹耶范訶之曰君困厄瞽亂耶融繫出困病范隨而養侍及死身自將車送至南陽營葬之。古人厚誼如斯誠難矣哉。

◎遇事使乖擇彼推此

徵事 龍覓在京時同年某

行人過之。告以將避湖廣差。暫註門籍。寬曰。湖廣非遠差。况尊翁在堂。便道歸省。豈不善。反欲避耶。行人曰。不然。吏部將選科道。若承此差。恐不得與選。吾姑避之。則楊子山當行。寬止之不聽。遂稱病註門籍。纔兩日。吏部卽開選。行人勢不可卽出。楊竟應選。得吏科給事。行人仍得前差。徒自恨而已。◎一不

易措置處。不明言。暗以遺人。

徵事。曾叔卿南豐人家。苦貧。買陶器。欲行賈北

方。已不行。有從與鬻者。昇直矣。問鬻何爲。其人曰。行賈北方耳。叔卿曰。不可。今北方災饉。鬻之必不售。吾不行。豈當以累子耶。卽還其錢。後起家至著作郎。噫。曾公不以已之所難累人。而甯自甘貧賤。非篤於愛人者不能也。世之暗遺人以難事者。聞此亦知愧否。

○魏陳元方東郡賣小宅。家人將就直矣。元方曰。此

宅甚好。但無出水處。買者因辭不買。司馬溫公居西
京日。令老兵賣所乘馬。云。此馬夏來有肺疾。若售者。
當先語之。昔賢於此等處。實有一番至誠惻怛之意。
行乎其間。乃澆薄者視之。必反笑以爲愚且拙矣。**附**
錄宋時南城陳策。有人從買銀器。及羅綺者。策不與。
羅綺其人曰。向見帑有之。今何靳策曰。然。有質錢而
沒者。歲月已久。絲力靡脆。恐不堪用。聞公欲以嫁女。
安可以此物病公哉。有危整者。亦南城人。買鮑魚。其
駟舞秤權。陰厚整。漁人去。駟留請曰。公止買五斤。已
爲公密倍之。願飲我酒。整大驚。追漁人數里而反之。
如數酬以值。乃沽酒飲駟曰。汝所欲者酒耳。
何欺寒人爲。呂南公作不欺書。兩述其事。

◎以私

曲請託。累人不德。◎竭盡一人情誼。◎薦人不慎誤。

引一匪人

徵事

光武后弟陰興禮賢好施而門無游

長而達之友人張汎杜禽與興厚善興以其華而少

實但私之以財終不薦拔世稱其忠薦人者須識此

○張橫浦在杭時一士夫以改官少舉狀再三懇求

宛轉當路其意甚切因謂之曰某平生不能為人宛

轉且據公入仕可言者然後某亦可說斯人歷舉某

事某事曰是公合做底事又問其入仕幾時及見其

貧窶細以為問皆一一言其所得若干老幼若干日

用若干語理甚真知其為廉謹之士曰如此當為公

說然自此後不可失故步又不可舉此常為話柄

某一時倉卒間以言信公心公不可以言欺此心◎

惡口犯一平交

發明

惡口之戒既以傷人之心且亦

自失其體故非獨平交不可犯也雖

僅豎僕夫皆不當以惡口加之亦所以自重耳。**附錄**

尚書王復怒衆武弁罵曰此屬皆犬豕所生一千戶

稟曰宋某之母乃太宗

皇帝永甯公主王慚悔。◎冷笑微言。暗譏誚人。◎小

釁可耐不耐遽成一訟

徵事

陳棟塘曰予里施張二

氏比鄰且姻也施之羊食張

之豈遂至爭訟且因彼此念念不忘詞內各牽別事

久而不決適施之族人義男病死遂誣張以人命

事益大日益久而費益多兩姓各破家殞命吁一朝

之忿熾而不抑如是其可畏也。唐雷孚自先祖樞

以忠厚傳家至孚十一世未嘗訟人於官孚登進士

居官清白官至太子太師人謂積善之報。謝遂好

行善性惡詞訟鄰有侵其地者或勸之赴官遂自寬

曰占得地占不得天嘗室塘爲基鄉人裹糧而赴日

以千計。三日而成。其感人若此。壽七十五。子孫甚多。不求伸者。未嘗見其屈也。范文正云。些小言詞。莫若休。不須經縣。又經州。費心喫打賠杯酒。贏得猫兒賣箇牛。○陸放翁家訓曰。訴訟一事。最當謹始。使官司公明可恃。尚不可爭訟。况官行關節。吏取貨賂。或官司雖無心。而其人闇弱不明。爲吏所使。亦何所不至。有是而後悔之。固無及矣。况鄉里間所訟。不過侵占地界。逋欠錢物。及克悖凌犯耳。姑徐論之。勿遽興訟也。若能置而不校。尤善。古人云。居鄉則以困畏。不若人爲哲。真達識也。

◎受人一不堪。

私藏怨怒不釋。

發明 馮時可曰。一事逆而心憎。一言拂而心銜。甚至經年懷之而不釋。易

世志之而不忘。若然者。四海之中。無樂地。百年之內。無泰時。甚矣哉。其惑也。○語云。登山耐仄路。踏雪耐

危橋如傾險之人情。坎坷之世道。全憑一耐字撐持。過去。怨怒不釋。徒自焚燒。將何益哉。宋詩有云。愚濁生嗔怒。皆因理不通。休添心上燄。只作耳邊風。長短家家有。炎涼處處同。是非無實相。究竟總成空。存此見者。大可坦懷自在也。**徵事**范忠宣貶嶺南。每戒子弟。不可小有不平。聞諸子怨章惇。必怒止之。及在道。舟覆於江。衣盡濕。顧諸子曰。此豈章惇爲之哉。王文正在中書。祥符末。大旱。一日自中書還第。有狂生在一亭上。指公大呼曰。百姓困旱。焦勞極矣。相公端受重祿。心得安耶。遂以所持徑擲公。中其首。左右擒之。將送京尹。公遽曰。言中吾過。彼何罪哉。豈惟無怨。并以自責。真難及矣。◎待已身有怨

其人已改行從善。猶必報之。

發明總之除殺父殺兄之仇。皆以不報爲厚道。

然報大仇。亦有慮其親老無養。久待之而不報者。其斯爲仁人君子之用心乎。乃報已身之怨。而加於從善之人。責以十過。吾猶謂其輕也。**徵事**李德裕謫朱崖。郡有望闕亭。公題壁云。獨上江亭望帝京。鳥飛猶是半年程。碧山也恐人歸去。百匝千迴繞郡城。因遊小禪院。見僧壁上掛十餘葫蘆。問是何物。僧曰。皆人骨灰也。乃太尉當軸時。爲釋憾而貶死者。焚骨貯此。俟其子孫來取耳。公慘然如失。返去。心痛而卒。按感應篇。念怨不休之下。載此事曰。此結怨之報也。佛經云。若無嗔恚。必無怨懟。蓋言凡怨之起。率皆私心爲之耳。借公報私。雖以李衛公之賢。猶不免何哉。**附錄**盧多遜流崖州。旣赴貶所。食於道傍。有逆旅嫗能言京邑舊事。遜問之。蹙然曰。我本中原士大夫家。有子任某官。盧多遜作相。令枉道爲某事。不從。懷怨中以

法盡室竄南荒。骨肉淪沒。惟老身流落山谷。彼盧相者。亦賢怙勢。終當南竄。幸未死間。或可見之耳。多遜默然。趣駕去。與李相事相同。神

◎報一怨太過

增註

此亦

指已身之怨也。於已有怨。不能忘而必報之。已非君子之事。况報之而至已甚乎。然所謂已甚。輕重不等。格亦僅舉其端。實不可以概論也。自好者其謹誠之。**徵事**元嚴實家族在東平。為王義浚所害。比河南破。實獲義浚妻子。厚賜恤之。送還鄉里。或問曰。彼不嘗覆君家乎。實曰。惡在。義浚其家何罪。痛念前事。未忍效尤。若相報復。徒增傷悼。故不為也。實後封國公子。孫貴顯不絕。**附錄**有元自實者。恨山北繆姓負德。鷄鳴。厲刃往殺之。道過小菴。菴主軒轅翁具慧眼。見其往時有克鬼數十。執刀劍從之。少頃復回。則見從之。

者皆金冠玉佩人也。翁心異之。天明往問曰：子往山
北而頓回，何故？元言有繆姓負我大恩，將往殺之。及
至六門，思彼雖負我，妻子何尤？且有老母，安可殺之？
使彼失養，遂隱忍歸耳。翁合掌稱賀曰：神明已知，當
有後祿。觀此，則知起一報怨之念，便有冤神隨之。天
人相感，若是可畏，安可肆然無忌，逞其報復？自爲快
意也。◎遇事惟已見，自是不肯抑意從人。徵事韓魏公

西事不合，范公徑拂衣去。韓公自後把其手云：希文
事便不容商量耶？范公意卽解。又范忠宣與司馬溫
公議差役法，告溫公曰：願虛心以延衆論，不必謀自
已。出謀自己，出則諂諛得乘間迎合矣。胡敬齋曰：
恃才者最是人之大病，不惟敗事，必不能保身。舍已
從人，方做得天下事。又曰：善要自己出，功名要自己

出此便是鄙陋狹窄人。不足與有爲也。○韓魏公嘗言慶歷中與希文彥國同在兩府。上前爭事。議論各別。然下殿來不失和氣。如未嘗爭也。當時三人相善。正如推車子。蓋其心主于車可行而已。不爲已也。

◎曰與人交接。矜張傲慢之氣。溢於外。使人不敢進。

善言。滿半月無所聞。爲十過。發明此貴息心內返善。言無所聞。必我之不願聞也。既不願聞。非實心。

君子誰敢以迂談輕進乎。若果立念真純。有言必察。雖不必與人交接。隨所見聞。皆可獲善。未有半月之久。不得一語。足爲法戒者也。然則人之悠忽過日。自以爲無過者。宜亟知所返矣。○王陽明曰。今人病痛。大段只是傲。千罪萬惡。皆從傲生。傲之反爲謙。謙字便是對症之藥。然非徒外貌卑遜。須是中心謙讓。常

見自己不是真能虛已受人堯舜之聖只是謙到至誠處。○高忠憲公因其友人少年登科序以箴之曰夫貧賤之心歉富貴之氣盈心歉者善言易入氣盈者惟佞諛可投二者之間相去遠矣在易大過之九三以過剛而自用其繇曰棟橈凶益之六二以虛中而取人其繇曰或益之十朋之龜夫子曰棟橈之凶不可以有輔也或益之自外來也夫天下惟外來之益其益無方而至於使人不可以有輔凶可知矣附

錄

李康惠公爲刑部屬見素林公爲僉都謂李曰昔

三原王公在南都其志未嘗一日不爲天下國家故無一日無賢士大夫往來門下今吾門何寥寥豈吾不能屈已耶何賢者之不至也李因問曰公今所交何人曰司寇張公實太宰楊應甯司諫楊方震請各問所長曰某長於某請各問所短曰某短於某請問

公所長林遜謝請問公所短林因虚心問焉李曰承
勛每侍教所聞惟節義文章而未嘗及學問公所長
在是所短其亦在是乎林
大嘆服前輩風度如此

◎嫉惡過甚激成大傷

增註

關係國家大故責備當尤非輕不在此例發明前云
遇惡人卽思遠之讀者當體其辭識其意蓋謂意念
中不敢與之親狎外致其恭內嚴其介斯守身處世
兩得之若弑弑焉必欲與拒絕則天下必無是事誤
讀前條必犯此條之過矣○韓魏公謂小人不可求
遠三家村中亦有一家當求處之之理知其爲小人
以小人處之更不可校如校之則自小矣綠雪亭雜
言曰魏公於小人欺已處明足以照之終不道破此
正魏公德量最高處程子曰韓魏公惟務容小人善
惡黑白不太分故小人忌之亦少如范富尹常欲分

君子小人。故小人忌怨日至。○陽明答門人書云。所
遇如此。歸計良是。但稍傷急迫。若再遲一二月。托疾
而行。彼此形迹泯然。既不激怒於人。亦不失已之介
矣。聖賢處世待人。應物有時。而委曲其道。未嘗不
直也。若已爲君子。而使人爲小人。亦非仁人忠恕惻
怛之心。又曰。君子與小人居。決無苟同之理。不幸勢
窮理極。而爲彼所中傷。則安之而已。處之未盡其道。
或過於嫉惡。或傷於激憤。無益於事。而致彼之怨恨。
讐毒。則君子之過。○康節先生訓子伯溫曰。汝固當
爲善。亦須量力以爲之。又曰。善人固可親。未能知。不
可急合。惡人固可疏。未能遠。不可急去。必招悔吝也。
此等皆有深識。**附錄**明道嘗曰。熙甫初介甫行新法。
並用君子小人。君子正直。不合介甫。以爲俗學不通
世務。小人苟合諂佞。介甫以爲有才能。知通變。君子

既去所用皆小人爭爲刻薄故害天下益深使當其
時衆君子不與之爭勢久自緩委曲平章尚有聽從
之理小人無隙可乘其爲害不至如此之甚也又曰
新政之改亦是吾黨爭之太過成就今日之事塗炭
生靈亦須兩分其罪陳伯璣謂此言非獨平恕可與
語幾愚因程子之言而深嘆陳了翁之善於委曲平
章也紹聖朝蔡卞議禁史學先生深言之不聽既而
主試事先生念卞謂已必取史學黜經生且媒孽之
也乃悉取談經用王氏學者爲前列稍後卽取博學
稽古之儒以克以爲不如是史學將且廢隨時救時
不必快目前也天下之好爲激者其亦知此道乎

義

薛文清曰嫉惡之心固不可無然當寬心緩思可
去與否審度時宜而處之斯無悔切不可聞惡遽怒
先自焚燒縱使卽能去惡已亦病矣况傷於急暴而

有過中失宜之弊乎。經曰：女為父求，力不顧其。之愬不行，皆當深味。○按功過格白文，是為待惡者垂戒，主重激成大傷一語，若文清推到嫉惡之心，又是深一層意。

五過見一

賢能得舉不舉

增註謂怠忘也，並非故不肯薦舉，故記過特輕。**徵事**呂文

穆公夾袋中有冊子，每四方人替罷謁見，必問有何人才。客去，隨即疏之，悉分門類。或有一人而數人薦者，必賢也。朝廷求賢，取之囊中，故其為相，文武各稱職。夫居上則留心於求賢，居下則留心於薦賢，天下安得不太平乎。是以功過格於此，惓惓致意焉。

◎無端受人惠反生不滿心

發明葉敬君曰：人只言人心難料，不知自心更難料。人只言人心不平，不知自心更不平。二語真確，中人

囊橐功過格

卷六

與人格

交接

三

情

◎有不難順人者。只務快適於己。不肯勉循恕道。

徵事

嚴養齋于起一書屋於花園已落成矣。接養齋

公一看公登樓望之。卽命工人拆去此樓。請其故曰。且拆了我說及拆後。問之曰。隣家張姓者亦青衿也。正在此側。我以其不利於彼。不可徒快己意也。又曹定菴先生葬親已擇日矣。左隣以方向爲慮。求先生緩期至臘月。先生不吝而從之。前輩厚道多如是。

嘉興顧某有田二畝。枕於富室之園。富室以園小求廣焉。央人爲請。願厚價得之。且另以膏腴倍畝而償。顧搖首曰。彼將欲方圓乎。吾雖貧。獨有傲骨。業在我。非彼可覬也。以是觸富室怒。因端構訟。竟以憤死。富室不久亦衰落。富室誠不仁。若顧某亦可云不智者歟。然而天下之不肯順人者。蓋比比矣。合嚴曹兩先

生事觀之。唐狄仁傑公為御史歸里。有惡少潘姓者。以墻址小差。俟公出。加以惡聲。公曰。無論爵位。即以少長論之。恐非禮也。即讓還。其人大慚而退。他日公為大司空。其人以商至金陵。公出遇之。顧先施焉。其人惶恐伏於牀下。

◎聞人善言故欲苛責其

行并不敬其言

增註所謂以人廢言也。詳觀格中。有云。見人善。無欣悅心。聞人善。無嘉與

心。為一過。忽於取人也。有云。聞人善言。漫不入耳。為三過。怠於自益也。此條則二者之過兼之。而加以苛責。則不止於怠且忽。并有伎刻輕薄之意存焉。故其罰稍重。格雖但舉善言。愚謂因苛責而不敬重其善事者同。抑觀白文曰。欲曰敬。則僅在舉念間。記過且不少寬矣。若苛責而見諸言。能毋另加過乎。**附錄感**

應篇疏衍云。末俗之風。彫弊極矣。聞人之惡。訛焉讐焉。謔焉傳焉。必不肯寬之爲無也。聞人之善。詫焉諒焉。抑焉黜焉。必不肯信之爲有也。或曰某某某言善。則曰虛語耳。事未必然也。或曰某某某事善。則曰偶然耳。他事未必能也。或曰某地某人善。則曰我未之見也。或曰某欲就某善事。則曰有利而爲之也。或曰某人行某善事而得某報。則曰傳之誕也。或曰濟人善。則曰貲可繼乎。或曰愛物善。則曰愚哉。生之育之。凡以供肉食也。或曰某某遷善改過矣。則曰某事尚非也。或曰某某事咸美焉。人咸嘆焉。則曰少之所爲多戾也。或曰某能讓某事焉。則曰怯耳。懦耳。或曰某恭某和。則曰巧言令色。不足務也。或曰某循理。則曰迂矣。或曰某醇厚。則曰彼可取而給也。或曰民之質矣。日用飲食。則曰嗛嗛之德。弗足狃也。噫。信若斯乎。

將天下無可取之善人。可爲之善事乎。由其
則弗能樂善。弗樂善。則弗信乎善矣。弗信乎善。而又
肯爲善乎。
◎面無溫容。辭無遜語。易抵觸人。自詡質直。逐

檢點少任氣質。卽爲五過。

發明

程明道終日端坐如

木人焉。操行甚嚴毅。及接賓客。令人如在春風中。未
嘗稍以意氣加人。蓋體乾剛以律已。體坤柔以待人。
二者各有當然之理。乃我見世人固有反而行之者
矣。吁。可嘆哉。
○古人云內睦者。家道昌。外睦者。人事
濟。苟犯此條。無往而得睦也。可不戒乎。
廣義徐尚公
曰。君子之處世也。苟以阿世。固所不爲。輒以忤世。亦
當知謹。須內矜嚴而外溫惠。總不可以率意徑行而
至於招怨召禍。世法之術。雖與道學異趨。然君子接
於人之方。未始非世法所從出。嘗觀古人於方嚴之

黃真勁過各

卷六

與人格得交接

交接

庚

自巳之非

中自有圓通之用。絕不苟同。而泯其違忤之迹。誠可云應酬得善道也。誌之以長人術。知華歆北行。賓客送者甚衆。贈遺數百金。皆無所拒。密各題識。臨去。謂諸賓客曰。本無拒諸君之心。而所受遂多。念單車遠行。將以懷璧爲罪。衆留所贈。而服其德。愚按此事。並不矜高一已。以違人之情。所謂方而圓者歟。處世善全之道。可見一斑矣。彼自詡質直。輒以觸人者。安能識此也。

◎不能厚責諸已徒

以求全於人

就一事言。或發於念。或見於言。皆是。發

明

程子曰。責上責下。而中自恕已。豈可

任職分。○呂榮公嘗曰。攻其惡。無攻人之惡。蓋自攻其惡。日夜且自檢點。絲毫不盡。則歉於心矣。豈有工夫檢點他人耶。○許魯齋曰。責人深者。必自恕。責已深者。必薄。責於人。蓋不暇責人也。見人有片善。便去

傲學他。蓋不見其人之可責。惟責已也。以衆人望人。則皆可。以聖賢望人。則無完人矣。又曰。責已者。可以成人之善。責人者。適以長已之惡。○唐荆川與弟書曰。居常只見人過。不見已過。此學者切骨病痛。亦學者公共病痛。此後讀書做人。須苦切點檢自家病痛。蓋所惡於人。許多病痛。若真知反身。則色色有之也。○薛文清曰。大抵少能省已之失。惟欲尋人之失。是所謂不攻已之惡。而攻人之惡也。又曰。張子云。學至於不責人。其學進矣。此言當深體而力行之。愚屢言及此。而不厭其煩者。亦欲深省而實踐之也。○韓子成曰。古人云。父與父言慈。子與子言孝。今人則父與父言孝。子與子言慈。所謂只知相責。而忘其自盡也。○陽明傳習錄云。一友常易動氣責人。先生警之曰。學須反已。若徒責人。只見得人不是。不見自己之非。

若能反已。方見自己。有許多未盡處。奚暇責人。舜能化得象底傲。其機括。只是不見象底不是。若舜。只要正他底奸惡。就見得象底不是矣。象是傲人。必不肯相下。如何感化得他。是友感悔。市中鬧而訴。甲曰。爾無天理。乙曰。爾無天理。甲曰。爾欺心。乙曰。爾欺心。陽明先生聞之。謂弟子曰。聽之。夫夫諄諄講學也。弟子曰。詬也。焉學曰。汝不聞乎。曰。天理。曰。心。非講學而何。曰。既學矣。焉詬曰。夫。夫也。惟知責諸人。不知反諸已也。李亦人曰。一味見人不是。則兄弟朋友妻子。以及僮僕雞犬。到處可憎。故云。每事自反。真一帖清涼散也。○羌澹菴曰。見人不是。諸惡之根。見已不是。萬善之門。剗若根。闢若門。心和氣平。解脫冤憎。可以成身。可以順親。可以庇子孫。○醒書曰。兩人相非。不破家亡身不止。只回頭認自家一句錯。便有無邊受。

用。兩人自是。不及目稽唇不止。只濫語稱他人一句好。便有無限懽忻。

三過遇人可憐憫處不生憐憫

若向已哀求。能顧不顧。加二倍。**徵事**誌公在世

時有二道人伴行。一人就園買瓜。園子怒曰。諸大家尚未買。汝乃先之耶。拒而不賣。一人繼往。園子喜曰。汝渴熱耶。不論價而賣與之。二人私怪之。以問誌公。誌公瞑坐良久曰。園子前生坐罪赴法時。汝二人適過其旁。買得瓜者。蓋爲之不忍。故今見之喜。汝嘗出自作自受之語。故今見之怒耳。此可爲不生憐憫者傲。

◎人失利名心生歡喜

待大惡人則免。**發明**昔薛瑗生數子。皆有惡疾。後自

悔曰。予生平好行嫉妬。勝已者忌之。佞已者悅之。見人有失已。如有所得。見人有得已。如有所失。夫如有

所三字摹擬最切。非必謂歡喜之也。隱念之間不覺其如有然者。自思亦所不解。志在忠厚。首當從此處留念。時刻內返。無令纖毫抱愧。則何自犯歡喜之過乎。或問楊士奇公平日所行。公曰。存心不論物。我見人有樂如已之樂。見人有憂如已之憂。宜其爲盛朝名相。故吾謂積善積惡。不必其徵諸事。止此意念之間。雲霄糞壤。迥然自別也。○先正格言有云。見人學好。多方贊成。見人差錯。多方提醒。見人豐顚。則談其致福之由。見人苦難。則原其所處之不幸。斯長者之道也。若忌成樂敗。何與人事徒自壞心術耳。**廣義**按此條之過。往往於讐隙者易犯之。憾不忘心。則凡聞其得而不悅。聞其失而深喜。雖明知爲小人心術。乃欲禁而不能矣。是固當深求克已功夫。毅然以君子自待。而一切匿怨修隙之情。痛懲而消忘之。已私旣

絕卑鄙之念。自歸無有。昔趙康靖公平日有黑白
檢點之嚴。乃能爲救歐陽之事。康靖初與歐陽永叔
同在館閣。公厚重寡言。歐頗輕之。及歐以甥事被逮。
上怒。二府皆欲文致其罪。公獨上疏曰。歐陽修以文
學爲近臣。不可輕加汙蔑。臣與修踪跡素疎。修之待
臣亦薄。所惜者朝廷大體耳。或曰。公不與歐陽有隙
乎。曰。我祇論事體。何如。若因私隙而忘維持公道。此
小人之行也。概敢出此乎。噫。心事光明。行誼公正。如
趙公誠難哉。夫以他人處此。孰有不深幸而私喜之。
不加排擠。已爲君子人矣。而趙公顧乃如此。人試自
照其心。誠能若趙公之公而忘我。則所云忌成樂敗。
尚安有渣滓存心。不則鮮有能自信者。夫小人之心
術不除。小人之手段卽出。昔賢論下達之義。只因這
些子有差。遂以昏蔽隱溺。因言秦檜之事。其所以與

張魏公有隙之由。乃因魏公不薦他作宰相。而薦趙丞相。故後面生許多怨惡。蓋皆始於此耳。一則為趙一則為秦。高明汙下。所爭豈在多哉。已私藏伏之根。不可不常自覺照也。◎没人一長隱

人一善

增註

沒者。意若輕之為不足異也。隱者。不能特地表白於眾也。以其無樂取於人之心。便

為過也。若其長其善。昭著在人。而我特欲沒之。隱之。非私即刻。則為蔽人善矣。**徵事**許真君在世時。嘗修

一觀。欲記其事。偶得一片古牌。文已磨滅。因刻去舊跡。勒其新記。一日恍聞空中有聲曰。所刻舊牌。文雖磨滅。而當時文人。訴君奪名自顯。蓋早圖之。許於是尋訪舊文。另為立石。可見人之善。貴於表揚。而重惡

其隱沒也。

◎有功歸己。有過引人。

一小事為三過。**徵事**漢鍾興封關內侯。不敢受

命帝曰卿教訓太子及諸侯王非大功耶興曰臣師
丁恭也明帝卽徵恭封侯而興竟不受此有功歸諸
人也陳俊卿爲泉州司李同僚宴集恒謝不往二日
郡中火起守汪藻往視之諸椽屬方出飲俊卿與衆
悉借去并以後至被詰俊卿唯唯已而藻知其實問
其故俊卿曰某不能止僚友之行又自解以重人之
罪可乎藻嘆服其量此有過引諸已也廣義按此條
須分兩項有人已合共之功過而功則專以譽已過
則專以咎人已爲不公不平矣更有他人之功而冒
竊之自己之過而扳引之卽感應篇所謂竊人之能
自罪引他也其情益不可恕論過豈無所輕重乎格
中尚欠別白請徵其事以實之○真宗出喜兩詩示
二府王文正公袖歸諭同列曰上詩有一字誤寫莫
當進入改却王欽若曰此亦無害欽若退密奏之上

怒謂公曰。昨日詩有誤字。何不奏來。公再拜謝曰。臣昨日得詩。未暇再閱。有失奏陳。不勝惶懼。諸公皆再拜。獨樞密馬知節不拜。具以實奏。又曰。王旦畧不辨真宰相器也。上顧公笑。欽若之意。不過欲已居其功。斯謂鄙耳。公孫敖深入匈奴。迎李陵軍。無功還。因曰。捕得生口。言李陵教單于爲兵。以備漢軍。故臣無所得。上於是族陵家。敖之心。專欲使人居其罪。斯尤險哉。愚按。小人之心。如斯類者。正復不免。不可不深省而切戒之。○龔遂守渤海。治郡有聲。宣帝聞而徵之。議曹王生從至京師。遂將入朝。王生曰。天子卽問君何以治渤海。君不可有所陳。宜對曰。此皆聖主之德。非小臣之力也。遂受其言。上果問以治狀。遂對如王生言。天子悅其有讓。遂因前曰。臣非知此。乃臣議曹教戒臣也。天子以遂能不掩善。益賢之。遷遂秩。并拜

王生官以褒顯遂冒竊人者觀此陸垹遷岳州守先有巨木飄入郡界前守不知爲皇木送侍郎方銳起坊督木使者誤論垹垹不辨人或諷之奏白垹曰三公皆賢者奏則彼將得罪吾負罪以歸可也扳引人

者觀

此◎素契厚者輕信一讒言介懷不釋

發明親嘗

隱微疑似處當加體察況得諸傳述乎安知其非以搬唆而遽信之吾推其介懷不釋之情必爲惱怒爲怨恨焚燒不已酬接之際必不能恬如無事時也從此兩懷猜疑積成嫌釁豈非適墮讒者之術計乎昔有聽讒詩云堂堂六尺軀莫聽三寸舌舌上有龍泉殺人不見血痛哉其言之也

徵事

蔣琬在大司馬府

東曹掾楊戲素性簡畧琬與語不時答或構戲於琬曰公與戲語而不見應其慢上殊甚琬曰人心不同

各如其面。面從後言。古人所戒也。文然欲贊吾是耶。則非其本心。欲反吾言。則顯吾之非。是以默然。是文然之快也。乃更以爲慢耶。◎已往小怨。乘便必報。

徵事

金誠廣東右衛軍也。讀書

社學。指使麻張。最無賴。詎曰軍餘。乃敢倣儒生耶。因使薙草烈日中。稍緩撻之。大受困辱。永樂丁酉。誠中解元。聯捷任刑部主事。張犯罪。解京。望見誠。一步九頓。誠笑迎之。言于堂官。爲寬其罪。○王沂公曾與陳堯咨不協。代陳判大名時。規模悉仍陳舊。其前政有不便者。委曲彌縫。爲掩其非。及移守洛。陳復爲代。觀之。嘆曰。王公之量。宜爲宰相。我何以及之。蓋陳以昔時之嫌。意公必反其故。發其隱也。

◎當衆

斥一人過失。

指無心者。若有心斥辱之。如十倍。

增註

按勸化條云。見人有失。擇隱然處婉言。

之使之知改。卽此條之反對也。彼則嘉其善於化人。故列勸化。此則惡其不善待人。故列交接。**徵事**牛僧孺赴舉之秋。每爲同袍見忽。嘗投贄于補闕劉禹錫。劉對客展卷。飛筆塗竄其文。牛雖拜謝。終爲怏怏。歷三十餘歲。劉轉汝州。僧孺鎮漢南。枉道駐旌。信宿酒酣。直筆以詩喻之。劉承詩意。才悟往年改牛文卷。因戒子咸佐承雅等曰。吾立成人之志。豈料爲非。昔主父偃家。爲公孫宏所夷。稽叔夜身死。鍾會之口。是以魏武戒其子云。吾大忿怒。小過失。慎勿學焉。汝輩修進。守中爲上也。**附錄**明豐慶以直諫著聲。一日行部。有知縣簠簋不飭。惧無以解。廼以白金爲燭。公初未之知也。旣而廳子以告。次日從容謂知縣曰。汝燭不燃。盡出之。以易可燃者。知縣大恐。輒棄印綬去。然終不明其爲銀燭事。又鄭澹泉爲文選時。里中士宦有

以茗爲餽者。公受之。入。夫人發視。見茗下皆金首飾。乃擊析語公。公畧不動色。覆篚如初。出召其人。謂曰。吾初以家適乏茗。故拜君惠。頃入內詢。尚有餘存。心謝尊意而已。璧之。潘鱗長曰。今世亦有卻金者。然未免借以沽名。令人難受。孰有如二公之鎮靜凝厚。冥其迹於不覺。而善全其人者乎。◎面責備

人不顧其難堪。

發明

能面責人。固剛峻之士也。不顧

其難堪。則氣性未融所致。旣無以服人之心。兼足以長己之傲。史稱陳忠肅公性謙和。與物無競。與人議論。率多取人之長。雖見其短。未嘗面折。惟微示意以警之。人多聽服。是乃見養深而誠至耳。○李文正公爲相。人有求進用者。常溫語却之。或問其故。公曰。旣失所望。又無善詞。取怨之道也。○薛文清曰。與人言。宜和氣。從容。氣忿。則不平。色厲。則取

怨。○醉古堂錄云。攻人之惡。毋太嚴。要思其堪受教。人以善。毋過高。當原其可從。○呂叔簡曰。論理要精詳。論事要剴切。論人須帶二三分渾厚。若切中人情。人必難堪。故君子不盡人之情。不盡人之過。非直遠禍。蓋以養人體面。而留其掩飾之路。○強人便已。不觸其悔悟之機。亦天地含蓄之氣也。

體諒人情

發明 韓魏公知歐陽永叔。不以繫詞爲孔。子書又多不以文中子爲可取。中書相會

累年。未嘗與之言及事之所不必強者。毋以強之。乃所謂善體人情也。徒求便已。滿腹私欲。彼豈復有一念之仁恕乎哉。**附錄** 明太祖嘗令燕世子閱皇衛卒。還奏遲問何後也。對曰。旦寒甚。衛士方食。俟食既乃閱。以故遲。太祖喜曰。善。孺子知恤人乎。愚按此亦用心體人之一端也。交接時隨在當識此意。○遇

事惟任己意不察人意。

發明張子韶曰快意事孰不喜爲。往往事過不能無悔者。

于他人有甚不快存焉。豈得不動于心。君子所以隱忍。詳復不敢輕易者。欲彼此兩得也。**廣義**朱子詳解。

論語夫達也者一節云。質直至於好義。則事事區處要得其宜。功夫已是詳細。然猶恐有觸突人底意思。到得察言觀色。慮以下人。便又和順仔細。慮謂思之詳審。常常如此思慮。恐有所不知覺也。今有人自任己意。更不看人之意。則只是自高。更不能謙下于人。大抵人之爲學。須是自低下做。將去纔自高。便不濟事。○朱在菴曰。待人接物之時。須是處富貴之地。悉知貧賤的痛癢。當少壯之日。思念衰老的辛酸。居安樂之場。體悉患難的景況。處旁觀之地。原諒局內的苦心。朱子之解。下人之謙衷。在菴之言。體人之善道。

奉持此條者。二說當兼盡也。**附錄**司馬溫公嘗曰。昔

與王介甫同爲群牧司判官。包孝肅公爲使。時號清嚴。一日署中牡丹盛開。包公置酒賞之。公舉酒以勸。光素不飲酒。亦強飲。介甫終席不飲。包公不能強也。愚以此知其不屈。溫公之言。似以已爲不及介甫。然一爲倔强。一爲謙和。偶然交接。二公生平。可概覘也。

◎已見所及沾沾不釋人見所及泛泛不留。**發明**矜已忽人

之病。至王安石爲極。要之安石之發病特猛。而病根不過如此條所云。非有聖賢克己工夫。謂能信其不犯者。蓋鮮也。愚嘗靜以驗之。其或一事得宜。自己出之。將樂述之不置。在他人則若泛常而已。一詞堪賞。自己出之。將愛誦之不忘。在他人聊一點頭而已。至於同謀共事之際。無不欲援人以就已。曷嘗肯俯已。

以從人。所謂只知有己。不知有人。此等病根。盡人難免。心粗氣盛。蓋多不覺其然者矣。蓋嘗諷誦斯條。而自省自鑒焉。

◎於人前發越已能。揚揚自喜。愧人不及。

發

羌澹園曰。理雖在我。且以委婉出之。勢雖在我。愈以謙下持之。**徵事**王陽明先生筮仕刑曹。適輪提牢。覩諸吏豢豕。惻然恚曰。夫囚以罪繫者。給賜以食。此朝廷好生浩蕩恩也。若曹乃冒竊以豢豕。是率獸食人食也。羣吏請曰。相沿例也。亦堂卿所知。先生曰。豈有是哉。遂令屠豕分給諸囚。至今不復豢豕云。後同里有官刑部。語及其事者。先生輦蹙曰。此余少年不學。茲聞之。尚有餘慙。子乃以爲美談耶。其人未達曰。上宣朝廷之德意。下軫囹圄之罪人。本至德事也。先生顧深悔之。以爲罪過何也。曰。當口憑一時意見。揭揭。

然爲此置堂卿于何地。只此便不仁矣。觀陽明先生之存心。則知事之中理者。政不可不遜順以出之也。論語曰。慎行其餘。其斯意歟。至若功過格。白文所指。一味高已卑人之習氣未除。若此之人。生平積過。必有不淺。又非陽明先生之可同論也。然觀于陽明先生。而益可以知謹矣。**附錄**屠康僖公初爲刑部主事。宿獄中。細詢諸囚情罪。得無辜者若干人。公不敢自以爲德。密疏其事。以白堂官。後臨審堂官摘其語。詢諸囚。無不服者。釋冤抑十餘人。一時輦下咸稱尚書之明。陽明先生之自訟者。殆必如屠公之善處。斯爲合道。

○已獨得者。秘匿自矜。惟恐人及。

增註見人不

知而不以明

告。則就事言喜已獨知。而惟恐同得。此就念言。**發明**朱子曰。驕吝常相靠並。某嘗見兩人。只是無緊要閒。

事也。抵死不肯說與人。只緣他要說自會。以是驕誇人。故如此。又曰。驕生於吝。驕者吝之所發。吝者驕之所藏。且以淺近易見者言之。如說道理。這自是世上公共底物事。合當大家說出來。世上自有一般人。自恁地吝惜。不肯說與人。這意思是如何。他只怕都識了。却沒說異。所以吝惜在此。獨有自家會。別人都不會。自家便驕得他。便欺得他。

◎對人傲氣或盛氣加

先賢挾發。可云洞心刺骨。

人。**發明**先輩云。見人須化一氣字。浮氣。吝氣。腐氣。道學氣。一概消除。方為真學問。勞曾三曰。人不可無道心。不可作道貌。人不可有世情。亦不可忽世情。夫通世情者。道貌尚不可作。況其為矜傲乎。**附錄**令狐綯曾以舊事訪于溫庭筠。庭筠答曰。事出南華經。非僻書也。異相公燮理之暇。時宜覽古。綯甚怒。奏庭筠。

有才無行。不許登第。遂坎坎坷終身。溫之言。宜無得罪于相公也。然味其情詞。不免矜傲之色形。而謙婉溫恭之意少。遂致干怒而斥辱。君子接人之詞氣甚矣。其不可無陶鎔也。○賈島負才傲睨。居法乾寺時。宣宗微行至寺。聞鐘樓上有吟聲。遂登樓。于島案上取詩卷覽之。島不識。乃攘臂睨之。遂于手內取詩卷曰。郎君何會此耶。宣宗下樓而去。旣而島知之。亟謝罪。乃賜御札。除遂州長江簿。後遷晉州司戶。不得志。卒。程琦以詩悼之曰。倚恃詩難繼。昂藏貌不恭。騎驢衝大尹。奪卷忤宣宗。馳譽超前輩。居官下我儂。司倉舊曹事。一見一心恟。可爲負氣者戒矣。◎爲人勞沾沾自伐。發明韓魏公之危。賈人之急。固是美事。能勿自談。則益善矣。徵事漢宣帝生數月。以皇曾孫坐戾太子事繫。丙吉爲獄。

吏擇謹厚女徒保養。曾孫病危者屢。吉加致醫藥。以私財給其衣食。宣帝卽位。吉絕口不道前恩。故朝廷莫能明其功。及霍氏誅。掖庭宮婢自陳有阿保之功。上親見問。然後知吉有舊恩而不言。大賢之。○盧奕死節。安祿山使人傳首。狗河北諸郡。顏魯公爲平原守。執其人。腰斬之。取奕首。棺歛以葬。祭哭受弔。德宗朝。公與盧杞不相得。謂杞曰。真卿禮葬先中丞時。至以舌舐面血。今相公忍不相容耶。杞矍然起拜而恨之。益深。

◎見尊貴人恭不中禮

心懷諂媚者加倍徵事浙曹朱浚晦翁先生曾

孫賈似道柄國。每有劄子白事。必稱某萬拜覆。士論深嘆惜之。○明太祖嘗諭群臣曰。凡在位者。不可凌下。不可諂上。務爲正人。昔寇準作相。丁謂爲叅政。嘗會食。食汙準鬚。謂起拂之。準正色曰。豈有身爲執政

親爲宰相拂鬚耶。謂慙而起。是謂以諂事準。準以正待之。君子小人可見矣。又聞前元國初風憲體制甚嚴。嘗有憲臣微疾。掾吏往候之。憲官力疾強起。扶杖而行。因以杖授吏。吏拱手却立不受。如是者再三。憲官悟其意。乃止。明日見吏。遜辭謝之。吏曰。然。某爲吏屬。非公家僮。不敢避勞。慮傷禮體耳。以此觀之。則憲吏亦正人也。爾等宜鑒於此。

附錄

李文靖公爲相。專

以方嚴重厚。鎮服浮躁。尤不樂人論說短長。附已胡秘監旦謫商州。久未召。嘗與文靖同爲制誥。聞其拜叅政。以成啓賀之。詆前居職罷去者云。呂叅政以無功爲左丞。郭叅政以酒失爲少監。辛叅政非才謝病。優拜尚書。陳叅政新任失旨。退歸兩省。而譽文靖甚力。意將以附之。文靖慨然不樂。命小吏封置別篋曰。吾豈真優於是者耶。亦適遭遇耳。乘人之後而譏其

非吾所不爲。况欲揚一已而短四人乎。終爲相。旦不復用。**廣義**晁氏客語曰。一切世間。君子小人好惡。不常。若要一時周遍。冠昏喪祭。往還飲食之禮。一一過當。周至時。費盡一生心力。只得人道是箇好。周至人然。又不能使君子小人皆喜。所謂外慕也。只有一箇誠字。千古萬今。使不盡。○仁宗朝。李都尉喜延士大夫。盡聲色之樂。一時館閣佳流。無不往者。韓魏公於其間最年少。獨未嘗往焉。李數召公。而數以事辭。人有強之者。公曰。固欲往。但未有名耳。然公處不失和。李莫得致怨。同時諸公。莫不被凌謔。而獨未嘗侵公也。公曰。以誠待之耳。○率意苟同以附和人。**增註**上條指容貌。此條指言辭。皆近於逢迎。以求容者。然祇屬細微小節。志操不堅。忠信不篤。卽易犯此二條。非必如小人之曲爲媚悅。至於

喪失其心也。若關係其人德行。無匡救之心。而亦從而苟同之。則爲贊助人惡矣。此處尤當加謹。**發明**朱子曰。處鄉曲。固要人情周盡。但須分別是非。不要一向隨順。失了自家。**徵事**梁祖欲求直言之士。一日憇高柳樹下。梁祖以其大而嘆賞焉。遍視賓客久之。客皆和從而美其大。梁祖微有笑容。頃之又曰。如此之樹可作車頭。未坐數人對曰。作車頭甚好。梁祖厲聲曰。柳樹豈可作車頭。秦時指鹿爲馬。有何難事。悉撲殺。言作車頭者。愚觀以逢迎而取鄙者多矣。甚且至於戮辱。不益宜自愛乎。○鄒南臯曰。善處身者。必善處世。不善處世。賊身者也。善處世者。必嚴修身。不嚴修身。媚世者也。賊身而未嘗有益於世。媚世而未必不害其身。先儒此等言。最爲有味。可終身誦志之。**附**

錄

龍麟洲先生過福建憲府設宴命官妓小玉帶佐

觴酒半。憲使舉杯請曰。今日之歡。皆玉帶爲也。願先生酬之以詩。先生其無辭。先生不能違憲使之請。遂書一絕云。菡萏池邊風滿衣。木樨亭下雨霏霏。老夫記得東坡語。病體難禁玉帶圍。舉席稱嘆。蓋旣不拂人意。又不失所守。可謂風雅不凡。○李文祥有才能。與萬安之孫宏璧爲同年進士。安延欸之。屬題畫。李奮筆題其上。末云。春來風雨等常事。莫把天恩作己功。才人應世有此文筆。彌可愛也。◎貴顯

自尊失禮於向所相接之人

徵事 上海潘恭定公身爲尚書。兄弟四人。各以

科甲明經出仕。二子一爲布政。一爲學憲。府縣官謁門。皆不敢升堂。門閥尊榮。爲郡邑冠。公致仕歸。侯問隣里。雖肩挑脚漢。必步至其門。入室作揖。極其殷勤。設酒筵。召會隣里。肅恭無怠容。隣里各以誇示於人。

公薨。至有哭拜不能起者。

◎出刻薄語戲侮人

徵事到洽先世曾以擔糞自給一日

語劉孝綽。吾欲買東隣地以益宅。無奈其主難之。孝綽曰。但多輦糞於其旁。以苦之。彼遂遷矣。洽以此深怨焉。孝綽後得罪。竟爲洽所中傷。○黃謙會試時。過書肆。有菊坡叢話四冊。持閱之。傍一人從公借閱。視其貌寢甚。調之曰。老鼠拖生薑。譏其拖取之無用也。其人微笑。私問公姓名。後與公同第。官刑部。會公以事送法司。其人坐公削籍。過司日。大聲曰。老鼠拖生薑。公始悟結怨之由。◎訕笑一老人

言◎待老者一疾聲厲色

徵事楊大年與周翰朱昂同在禁掖。其時二公已耆

邁矣。楊方弱冠。屢輕侮之。周作好語曰。君莫侮我老。老終輪到君。昂搖首曰。莫與莫與。免爲人侮。後楊竟

早死。○欺一無識

發明 卽感應篇所謂謾驀愚人也。解之者云：謾者，欺人；驀者，快絕伶俐之

貌。夫非伶俐，則必不欺人，而非愚人，則亦莫可用其欺。故欺人之過，加之無識者居多。此三過蓋指偶然相戲若故，加侮弄貽以吃虧之端，應照侮弄老幼例記過。**真義** 輕者爲欺，甚者爲侮弄。而侮弄之中，又有甚不甚焉。若至於傷天地之和，結斯人之怨，斯其爲惡，又非尋常記過之可同論也。附誌一事，以見其概云。○天祐中，秦州有劉自然者，管義軍案，因連帥李繼宗，黥鄉兵捍蜀城，紀縣百姓黃知感名在籍中。自然誘知感曰：聞尊閩髮美，能致之，當爲君免行。知感之妻曰：我以弱質託君，髮可再生，人死永訣矣。君若南征不返，我有美髮何爲？攬髮剪之，遂獻於劉。而知感竟不免徭，尋歿於金沙之陣。黃妻晝夜禱天，號訴。

是歲自然亡。後黃家牝驢產駒，左脇下有字云：劉自然。邑人傳之，達於郡守，召其妻子識認，自然長子曰：「某父平生好飲酒食肉，若能飽啖，卽是某父。」驢遂飲酒數升，啖肉數臠，食畢奮迅長鳴，淚下數行。劉子請備百千贖之，黃妻不納，日加鞭撻，曰：「猶足報吾夫也。」按此事傷心亡矣。豈僅格中兩條之謂然，同此欺人侮弄人之情耳。

◎失微物向空發罵以傷隣睦

增註按事神條又曰：失小

物呼神呪罵爲五過，想加以呼神，則其過滋重焉。

附

錄橙墩好客，有愛妾蘇氏，善持家。一日讌客，失金盃，諸僕嘖嘖四覓，蘇氏誑之曰：「金盃已收在內，不須尋矣。」及客散，謂橙曰：「盃實失去，尋亦不得，公平日好客任俠，豈可以一盃故令名流不歡乎？」橙善其言。

一過與人同事利害得失人已異情。

逐時記過。增此句所包甚廣。非必

有其迹。僅指獨知之念言。使誠有迹可見。人無不覺之者。則又有占便宜之條記過矣。發明禮記曰。君子

貴人而賤已。

◎遇小事占便宜。

發明

福壽全書曰。語

先人而後已。

云。討便宜處失便宜。

此七字極有意味。蓋此念纔思。討便宜。便自壞心地。

自損陰陽。大失便宜。卽在此處矣。不必到失時見之

也。廣義

君子嚴義利之辨。以爲心行全繫之者。祇因

財字上已快其有餘。人受其不足。不能行所無事耳。

此顏壯其嘉懿錄中語。爲粗淺人言之也。若劉念臺

先生之言。尤爲精密。謂義利兩者。正人禽分途處也。

義也者。天下之公也。利也者。一己之私也。人纔爲一

己起見。便生出許多占便宜心。於凡辭受取與出處。

死生之際。總無是處。利。利也。各亦利也。如此勘義利。嚴矣微矣。乃今世人動以君子相稱。亦念孰能免於利之一字也耶。○**施恩責報**。發明。昔人曰積善而望報於天者無福。施恩而求報於人者無

德。乃觀功過格。豈惟無德。適以增過。何其嚴也。○**喜聞人過**。徵事。王建曰。余

後適有分守道某行縣。諸生謁見。間言及考事。惟問案首姓名。掣補進學人數而止。餘不問焉。分巡公繼至。亦言及考事。惟問黜退停降人數而止。餘不問焉。諸生私訝曰。二公發問相反。如此。吾輩誌之。觀二公去後。祿位何如。未幾。分守道官至。戶部侍郎子繼登第。分巡公官陝西副使。遇安化王作亂。腰斬之。吁。豈謂一言能致禍福耶。已。寫其存心之仁厚與刻薄矣。

附錄

元祐中舉子吳中應大科。以進卷遍投從官。一

日與李方叔諸人同觀文理垂謬撫掌絕倒范純夫
偶出見之問所以然皆以實對純夫覽其文數篇不
笑亦不言掩卷他語侍坐者亦不敢問他日吳中請
見純夫諭之曰觀足下之文應進士舉且不可況大
科乎此必有人相誤請歸讀書學文且習進士吳
辭謝而去昔賢誠至如此仁厚之德良足觀法也○

見人善無欣悅心聞人善無嘉予心

增註此不過忽畧焉爾耳更有

必不肯信人之善者得諸聞則以為未必能然反若
厭人之輕信述之得諸見則以為偶然且以為勉強
斯則不但忽畧直是刻薄性成劒掃集云聞
人善則疑之聞人惡則信之此滿腔殺機也○人有

不如意處不諒其才力不及求備不已

發明呂叔簡曰我益智人

益愚。我益巧。人益拙。何者。相去之遠而相責之深也。惟有道者智能諒人之愚。巧能容人之拙。知分量。不相及。而人各有能。有不能也。

◎人待已有小失沾沾介意。

必報答者。另加

過增註

小怨與小失有別。怨者傷心。失者偶過。怨且

宜忘。而介意於小失。真淺夫也。

徵事

徐公晞由吏胥

起家遷兵部郎中。同官一主事。每向吏胥謾罵。意在公公。不爲動。後主事歿。公爲棺殮。送歸官。至兵部尚書。先哲鄧文潔諸公。每稱其事以勸人。○仁宗時文彥博爲首相。時張貴妃有寵。伯父張堯佐驟除宣徽使。御史唐介力爭之。帝謂曰。除擬本出中書。介遂劾彥博。知益州日。造奇錦通宮掖。以得執政。今顯用堯佐。益自固結。請罷之。帝怒甚。將遠竄介。徐讀疏畢曰。臣忠憤所激。死且不避。何辭於謫。帝召執政示之曰。

介論事是其職。至以彥博由妃嬪至宰相。此何言也。時彥博在帝前。介責之曰。彥博宜自省。卽有之。不可隱。彥博拜謝不已。帝怒益甚。蔡襄趨進曰。介誠狂真。然納諫自是美德。伏望全貸。遂貶介英州別駕。而彥博亦罷。後彥博復相。御史吳中復請召還唐介。彥博因言於帝曰。介頃爲御史。言臣事多中。臣病中。間雖有風聞之誤。然當時責之太深。請如中復奏。乃召知諫院。時稱彥博長者。○杜祁公衍少孤。前母有二子。不孝弟。其母改適河陽錢氏。二兄遇之無狀。至引劍斫之。頭爲傷。出血數升。其姑醫之。僅而得免。乃詣河陽歸其母。繼父不能容。往來孟洛間。貧甚。傭書以自資。及貴。長兄猶存。待遇甚有恩禮。兄追悔前過。公反解之。毫無怨意。待繼父昆弟亦盡道。二兄及錢氏姑氏子孫受公蔭補官者數人。公之厚道。可謂誠篤矣。

○周濂溪判合州時趙清獻爲監司中先入語臨之甚威先生處之超然後判虔州趙亦守虔熟察其所爲乃大悟執其手曰吾幾失君矣今而後乃知周茂叔也韓魏公知揚州王荊公爲僉判每讀書達旦畧假寐日已高亟上府多不及盥漱魏公意其夜飲放逸一日從容謂曰君年少毋廢書不可自棄荊公不答退而言曰韓公非知我者故熙甯日錄中短魏公爲多每曰魏公形相好耳作畫虎圖詩詆之及魏公薨作挽詩猶不忘少年之語黃陶菴曰趙韓皆當世賢者始猶失之二公人固未易知也乃一則臨之以威而猶超然一則勸之以學而遂爲憾度量相越如此蓋涵蓄深沉此濂溪之所以自得也剛褊躁露此荊公之所○已所不及暗生嫉妬一念一過發明王以速敗也耐軒曰以言譏人

取禍之端。君子存心天理。則心平而氣和。大抵好以言譏人者。必其忮心之重也。見人富貴。則忮之。見人聲名。則嫉之。忮之之心。蓄之於平日。譏之激之之言。發之於尋常。是故君子貴養心焉。○耐軒又曰。有輕人上人之心。則客氣常存。而心無頃刻之樂。妙哉斯言。我心無頃刻之樂。我自不受用。彼何與焉。嫉妬人者。可以反矣。○愛憎人。偶以徇私偏向。見諸言事。另記。

大與公道乖違。加五倍。發明耿天臺先生駐泗校士。筮仕爲理者。數輩來謁。先生語之曰。今夫天昭昭耳。蒼蒼耳。人日致虔而默禱之。天不見爲喜。人日皞皞然相忘於覆幬中。天不見爲嗔。何者。天無意也。諸君皆賢者。如因人之慢而故蔽其賢。因人之謹而故掩其瑕。可信無是矣。顧如因人之謹也。而中微有喜意。

存則人承吾意而譽言至。譽至而日積焉。或間指其瑕。吾耳將亦或逆矣。因人之慢也。而中微有嗔意存。則人承吾意而毀言至。毀至而日積焉。或間稱其賢。吾耳將亦或逆矣。何者。有意故也。諸賢法天之道而毋意焉。謹慢兩忘。好惡不作。其或庶幾乎。**廣義**好惡之難。以人不能無私也。高子勘好惡法所舉三言曰。只在意見上異同。軀殼上通礙。交遊上生熟。徇私之弊。只此三言。誠勘盡矣。乃吾因白文戒詞。申解徇私兩字。則豈惟戒其徇已。又當戒其徇人。蓋惟憑已見。固屬偏私。輕信人言。亦爲鹵莽。聖人有云。衆好必察。衆惡必察。固知愛憎無偏之甚難也。豈僅以一己之無成心。遂爲公好公惡哉。敢誌一事於此。○湖州張莊僖公掌臺篆。爲給事中。魏時亮所劾。致仕去。魏新進。未知張之素。乃張之親吳。托張求吏部。不得。怨張。

而揭之。魏者張旣去。衆知所自來。吳考察奪官。魏江右人。居官清整。後副院席莊僖少子。天德行取至京。深慮舊却。魏聞之。引見且謝曰。少年入流言。誤彈尊公。終身爲恨。今乃得補過。遂薦入臺。◎一易

爲事必逸已以勞人。

附錄

宋太宗一日作書。筆滯思欲滌硯中宿墨。顧左右咸不在。

因自俯銅池滌之。旣畢。左右方至上。徐顧曰。爾輩何處來。恬不加責。○漢高祖手勅太子云。每上疏。宜自書。勿使人也。夫帝王且然。況士大夫子弟乎。今數行字。輒使侍史書之。豈非惰習。◎受託一

小事忽畧。

發明

朱子曰。大率人情處自己事時。甚着緊。但才見是外人事。便是不如己事。大段

緩了。伊川云。人才有形。便有彼己。所以難與道合。釋氏所謂流注想。不知不覺。如水流注下去。其端甚微。

直是要省察。

◎與人共一事。則使乖暗取。出則故令人

多。

五十錢以內爲一過。富者倍論。

徵事

李士衡與余

英奉使高麗所得貨物甚多。英恐過海船漏盡。以士衡之物藉船底。以已物置其上。及開船忽大風。船幾沉。舟人急請減載。倉皇信手拋去。及風定檢驗。則所棄皆英物。士衡手自封識。無一失者。共事使乖。蓋鑒於此。至若貪財罔利。如白文所云。人品污下。蓋不足掛齒頰矣。奈何以乖巧之性。而若是其誤用乎。

◎侈用人財物。

百錢一過。

附錄

曹彬

嘗爲周世宗掌茶酒。藝祖從彬求酒。彬曰。此官酒不敢與。自沽酒以飲。藝祖嘆重之。蓋事極尋常。而立心之誠。深足慕矣。

◎他人寄託之物。漫易視之。致有污損。

發明

事雖細微。然驗恕之方。正在於此。先儒謂恕。只是推得去。推不去的人。只要理會自己。已。不。管。別。人。自。大。賢而下。學者未免有私意。錮於其中。視物未能無爾汝之間。須是用力推去。方能及到那物上。必令私意無所容。全在勉。**◎見人憂驚。漠不爲念。**反生暢快。或更強以推之也。增其憂加十倍。

唐義

人之憂。人之驚。一體相關。安能無動於中。不特

此也。人之疾厄。人之喪亡。人之冤憤。無在不足感慟。其有漠然者。非情矣。乃更有因而圖利焉。以是爲欣然得意者。肺腸真何若也。**附錄**唐張道原拜大理卿。何稠得罪。籍其家屬。賜群臣道原曰。禍福無常。安可囚已之泰。利人之否。取其子女以爲僕妾。豈仁者之心。皆捨之。更資以衣食遣焉。如此厚德。固難概期。**◎**吾重嫉夫乘機圖利者。蓋亦觀於此而感興乎。

見人置物足慮。漫然不顧。

附錄

杭州酒家率以燒鵝飼

客。門有懸鵝毒蛇旋繞入腹。

一行道人見之私計曰。人若食此必毒死矣。乃向酒家買此鵝。囊錢不足。因貸酒隣之相識者買之。陰埋隣之隙地而得金焉。酒家與隣並爭之曰。是我所埋金也。共訴於巴巡道。巴訊得情。乃嘆曰。一念之善。天報若響。汝奈何欲逆天也。杖酒家與隣人而以金歸買鵝者。

◎見一失誤不與明言。

附錄

胡宿

為湖州守時。前守滕宗諒大興學校。費數千緡。及去。僚佐共以為言。宿謂曰。君輩佐滕侯。苟有過。盍早正。乃陰拱以觀。俟其既去而非之乎。潘鱗長曰。只陰拱以觀四字。曲盡小人面譽背毀之態。按此條白文。與滕侯事不類。愚正欲假陰拱以觀一語。以為倣見忠厚君子必無犯此也。◎見人有心叩問可答。

不即答。

發明

聖賢與人隨在無忽。所謂察言觀色也有問不即答。或者繫心他處。偶然之誤。然不免於

簡忽人矣。由此推之。交接

時可或不小心敬慎乎。

◎見人有呼喚可接應者不

為接應。

若喚自己不肯應加二倍。待尊長比平人又加二倍。

◎見庸等人無引誘

心有自矜心。

發明

引誘心。即與人為善心也。見他人之未識夫善。未依於善。而即為蹙然難安。若

必欲進之善而後愉快。是乃所謂萬物一體也。縱令情睽機格。而此心則不容已。若夷然以卑鄙視之。一味擡高夫已。則品節雖能異人。而私心未除。不足以語聖賢之學也。○黃陶菴先生寄弟書云。近來意味甚襍。皆因終日塵中打滾。自然多走失處。又胸中橫着一箇矜字。眼見他人品骨不如我。議論不如我。意思識見不如我。

便不免有輕蔑時俗之意。坐此學力不進。◎見種田人不念其勞。視爲微

賤可輕。

發明

人類之所以資養而得生者。惟賴此農夫以給之。故農之事最貴。農之功最宏。荀子

有云。士大夫衆則國貧。工商衆則國貧。可知天下所重惟農。雖以天子之貴。亦必親習其事。而不敢忘艱難之心。乃今浮薄者流。豐衣美食。全不念其所自出。見霑體塗足之人。輒若卑微無足重輕。亦曾反思一已。戴天履地。比農人孰爲有功也乎。故凡不爲農者。皆當有憫農之情。尤當有重農之念。苟無所以惠及於農者。而安享其食。其何能自安也。而矧敢輕之哉。○號文公曰。民之大事在農。上帝之棗盛。於是乎出。民之蕃庶。於是乎生。事之供給。於是乎在。和協輯睦。於是乎興。財用蕃殖。於是乎始。敦龐純固。於是乎成。

自古貴農務本之論。數語可以渾該矣。**徵事**明太祖嘗命左右導世子徧歷農家。觀其居處飲食器用。還謂之曰。汝亦嘗知農民之勞苦抵此乎。夫農樹藝五穀。身不離泥塗。手不釋耒耜。終歲勤動。不得休息。其所居不過茅茨草榻。所衣不過練裙布衣。所飲食不過菜羹糲飯。而國家經費皆出其中。故令汝知之。欲令汝常念農勞。取之有制。用之有節。使不迫於飢寒。方盡爲上之道。又嘗駕幸鍾山。時方五月天炎。上由獨龍岡步至涪化門。謂侍臣曰。朕不歷農畝者久。適見田者冒烈暑而耘。心惻然憫之。不覺徒步至於此。夫農爲國本。百需皆所出。而苦辛若是。爲司牧者一嘗憫念之乎。故洪武之朝。加意重本。抑末。下令農民之家。許穿紗絹布。商賈之家。止許穿布。農民之家。但有一人爲商賈者。亦不許穿紬絹。愚按是法也。本古

先聖王之意。古先聖王俊秀之升。只於農間求之。而爲商者不與。卿大夫士。常與農民相習。而商則遠之。是所謂法良而意美也。以今天下觀之。莫輕於農。莫賤於農。其亦可慨也夫。**附錄**劉子曰。衣食爲民之本。而工巧爲其末。堯湯之時。遭九年洪水。七年大旱。不聞飢饉相望。捐棄溝壑者。畜積多故也。穀之所以不積。在於游食者多。而農人少也。夫螟螣秋生而秋死。一時爲災。而數年乏食。今一人耕而百人食之。其爲螟螣亦甚矣。不爲農而又無以惠農。請誦斯言。可以惕然汗下。**廣義**吳仲植曰。天下皆知農之可貴。而不知農更可美。貴者貴其有利於世。美者美其無惡於身。蓋人之惡。生於妄求。抑又生於逸遊。農無妄求之惡。固已。而克免逸遊之惡者。尤無如農。無論其三時在田。勤苦不已。卽服田之暇。必有所爲。或索綯治屨。

或舂揄米穀。或佐其婦紡織。風雨寒暑無間。蓋其念慮。只知有室家相聚。養殮是謀。心有所係。而不分筋骸。亦有所束。而不散。緩無待。有心爲善。而一日之間。惡自無有。此爲農之深可美也。舍農而外。有如士無聖賢工夫。則何時非暇逸。放縱之時。非淫慾橫生。卽濫管雜務。或爲樗蒲。或爲飲食會。寔以其閒暇無事。有不能自禁也。至若商賈之流。宜非無所事事者矣。然終是忙時少。而暇時多。吾見三吳之列肆者。嘗支頤瞌睡。流覽淫書。或偶博奕消遣。又或群聚戲謔。談論短長。探刺時事。神蕩而心馳。閒則必然。其安能若農之凝聚。無他營也。故近善少惡。惟農最真醇可美。昔有激言之者曰。今之天下。不致於人類滅絕者。幸賴此幾百耕田之農在天地間。庶幾真氣常留耳。以吾思之。實非矯語。願以此大聲呼告天下之輕農者。

◎輕忽一貧弱人

增註

此蓋就其意念而言。下又有

忽畧儀文。當另自論過

徵事

翟林

嘗送程正叔先生西遷。道宿僧舍。坐處偶背佛像。先生曰。轉椅勿背。林曰。豈以其徒敬之。亦當敬耶。先生曰。諸凡具人形貌。皆不當慢。龜山聞而喜曰。見似人者。尚不敢忽。則於人也。從可見矣。夫仁敬誠之心。人孰不具。惟君子能養之於至微。克之於盡量。前言往行。深宜銘佩也。**賈**方善長曰。舉世皆勢利之場。其見夫貧者。朴訥者。貌陋者。不期而輕忽之。初不料其有翻騰變化之日也。及其得勢。則又不期而趨奉之。豈知倨於前而恭於後。正有大不堪爲情者。昔有人以微時受侮。既貴設宴。授意梨園。扮爲二虎。一虎先銜一羊自食。旁有餓虎踞地視之。虎怒吼銜羊而去。他日餓虎得一鹿。前虎又餓甚。欲分食。乃扮山神出。

判之曰。昔日銜羊不採。揪今朝獲鹿敢來求。縱然掬盡湘江水。難洗當初滿面羞。梨園洵善刺人哉。此雖未離勢利之見。正當識勢利場中。尤不敢漫然輕忽人也。○孝廉朱道行主京師丁伯原家有周奎者貧甚。其母與丁中表戚。爲丁監廚。奎時候母。丁內外皆呼爲四官人。然厭奎亟至。意在得食戲侮之。朱孝廉獨心憐焉。常私食奎。奎感甚。奎有二子。貌寢陋。間一來。丁奴使之。孝廉命之坐。跼蹐謝不敢。未幾奎有女。選爲信王妃。信王踐祚。改元崇禎。冊信妃爲皇后。奎進封嘉定伯。諸子一品。蟒玉甲第高華。貲巨萬。常寄語人。念朱先生不忘人。固不可輕哉。○又觀一事。見待人接物。隨在宜謙和謹厚。使人感悅。常自獲益。使人恚怒。適自貽禍。不可不知。陸應期大同人。正德初賈齊魯間。同舟者三四輩。數因事謾罵舟人。應期獨

否。又時時推飲食勞苦焉。舟人皆讚美應期爲長者。難遇。一日舟人遲遲不肯進。若有所待。同舟又謾罵之。欲加以鞭。舟人擁應期坐樹下曰。公長者不敢犯。執同舟者撈掠之。數其妄自尊大。凌賤人無道。獨存應期。橐諸人裝盡劫焉。夫劫盜者必其素習。當不因謾罵而忽生心。不得卽指此爲招禍。然如陸之謹厚。便足以悅服人。是故待人甯使人感。毋使人恚。亦防禍之一端也。

◎貧賤忽畧貴人

發明賤遇貴不可諂媚之。不可欣艷之。然論其分則當有以尊敬之也。不觀聖人見冕衣裳者。雖少必作乎。若其人品行寔可鄙賤。不在此例。然落落不親則有之。傲慢之意終不可施也。孔子之待陽貨。有成模矣。**徵事**稽康放誕無禮。鍾會方有寵於司馬昭。聞康名而造之。康箕踞而鍛。不爲之禮。會將去。康曰。何所

聞而來。何所見而去。曾曰。聞所聞而來。見所見而去。遂深銜之。◎不學謙退。專好上

人。發明。勞曾三曰。凡人病根。在於傲之一字。種種惡業。俱是傲然不肯相下之心所致也。禹之戒曰。無

若丹朱傲。只一傲字。便是萬惡種子。古來洒掃應對。奉几侍立。不過要泚除子弟之雄心猛氣。使之鞭向人。微歷觀聖賢無不欲然若虛。惟恐稍有上人之意。夫子所云。慮以下人。正與人接物之要語也。

增註

細

繹此條。與見人傲氣一條。又有別。儘有並不傲氣而好上人之心。隱伏於中。或負其家勢之隆。或負其才幹之異。內念自尊。卽一束帖稱呼。而謙遜殊有難色。此亦俗情之甚不可解者也。傲氣其易見者。勘到好上人之意。則敬謹工夫益深矣。如此細別。乃爲精讀功過格者。附錄。吳興李公樂嘗自述云。少叅丁靜吾

爲諸生時。曾有延不佞爲師之意。不果。越二十餘年。予與靜吾俱官兩司。一日范巡按繼川臨湖。予兩人同謁之。坐於客廳。靜吾不肯並坐。予強之。靜吾曰。先年雖不及師先生。然此念已發。今日何敢並坐。噫。公之謙謙。真有古風。子元薦亦登甲科。○袁了凡先生曰。易曰。天道虧盈而益謙。地道變盈而流謙。鬼神害盈而福謙。人道惡盈而好謙。故謙之一卦。六爻俱吉。書曰。滿招損。謙受益。予屢同諸公應試。每見寒士將達。必有一段謙光可掬。辛未計偕。我嘉善同袍凡十人。惟丁敬字年最少。極其謙虛。予告費錦坡曰。此兄今年必第。費曰。何以見之。予曰。惟謙受福。兄看十人中。有恂恂欵欵。不敢先人。如敬字者乎。有恭敬順承。小心謙畏。如敬字者乎。有受侮不答。聞謗不辨。如敬字者乎。人能如此。卽天地鬼神猶將祐之。豈有不發。

者及開榜。丁果中式。丁丑在京。與馮開之同處。見其
虛已歛容。大變其幼年之習。李霽巖直諒益友。時面
攻其非。但見其平懷順受。未嘗有一言相報。予告之
曰。福有福始。禍有禍先。此心果謙。天必相之。兄今年
決第矣。已而果然。趙裕峯光遠。山東冠縣人。童年舉
於鄉。久不第。其父爲嘉善三尹。隨之官。慕錢明吾而
執文見之。明吾悉抹其文。趙不惟不怒。且心服而速
改焉。明年遂登第。壬辰歲。余入覲。接夏建所見其人。
氣虛意下。謙光逼人。歸而告友人曰。凡天將發斯人
也。未發其福。先發其慧。此慧一發。則浮者以寔。肆者
以歛。建所溫良若此。天啓之矣。及開榜。果中式。**廣義**
袁氏世範曰。凡人行已。公平正直。可用此以事神。而
不可恃此以慢神。可用此以事人。而不可恃此以傲
人。雖孔子亦以敬鬼神。事大夫。畏大人爲言。況下此

者哉。彼有行已不當理者。中有所歉。動輒知畏。猶能避遠災禍。以保其身。至以君子而偶罹其災禍者。多由自負。以召致之耳。

◎人無他意。好爲深心億逆。

增註 須知億逆與觀察有

別人亦安能若聖人無心。物來自照。故慎密者。恒留意於觀察。一以識人之是非。一以善已之言行。此其功誠不可已也。然亦祇是因物察物。非有所私心猜疑於其間。若意中預設一疑人之見於人之一言一行。必測想其不能無私。勞勞焉伏匿關防。不勝機械。夫安知不以小人之腹。度君子之心。是蓋滿腔私欲。而誠意消亡。朱子所謂糾結如蛇蚓。瑣細如蛾虱。正此人也。故能察人者。必毋爲深刻。不能察人者。甯使過於真誠。億逆之念。其壞心術者不淺也。

附錄

呂大

防蘇轍欲引用楊畏。范純仁言其奸。呂曰。君毋以爲

畏所彈故憾之乎。蘇卽從旁誦彈文。范愕然不敢誚。大防竟超遷。楊畏爲禮部侍郎。且密約其助已。楊畏首叛。大防未幾。呂蘇罷去。將加重譴。純仁力救之。輟始。嘆曰。公佛地中人。

◎人未親已

強爲迎合。

發明

薛文清曰。未同而與言。古人所深耻。

○又曰。人未已知。不可急求其知。人未已合。不可急與之合。○又曰。人未信。不可強以言聒之。○又曰。人不謀諸已。而強爲之謀。彼卽不從。是謂失言。日用間此等甚多。人以爲細事而不謹。殊不知失言之責。無小大也。謹之。

◎笑謔辱人

求勝。

增註

戲謔已於言語條記過。此之過。則又以求

勝於人而加論之。須看一求字。只指念言。若果

勝之。又將加記。且更有啓侮召禍之慮也。**廣義**笑謔爲害。豈僅在於辱人。更有不知不覺中人隱微。遂成

大釁者。一言之間。本出無心。而令人刺骨。謹於交接者。不可不切戒也。附誌一事為鑒焉。○昔劉邠劉恕同在館中。邠一日問恕曰。聞君前日冒雨往州西。何耶。恕曰。丁君閒冷。故訪之耳。邠戲謂曰。丁方判刑部。得非有所干請耶。恕遂懷忿。至不能解。異日邠方知果有干求。彼時誤中其諱耳。

◎故意戲

弄人以爲笑謔。

附錄

劉念臺先生示學者塾規有云。學者時查已過。力矯浮薄之態。務以

敦厚溫恭爲

◎嘲笑人體相。

徵事

王介甫晉江饒氏甥也。舅以介甫膚如蛇

載道之器。

皮輕之曰。此行貨亦欲求售耶。介甫尋

進士。以詩

寄之曰。世人莫笑老蛇皮。已化龍鱗衣錦歸。傳語晉

江饒八舅。如今行貨正當時。舅慚沮。○孫文懿公貌

寢。當赴京試。詣縣求執照賣田。縣令李昭言戲曰。似

君人物有幾人耶。是年文懿以第三人及第。未幾判
審官。時昭言方以選人赴調。一見大慙。遂解綬歸。○
侯元功貌陋形鄙。初預鄉薦。人以年高貌陋不之敬。
輕薄作紙鷃。畫其形於上。引線放之。元功適見。乃大
笑。作臨江仙詞曰。未遇行藏誰肯信。如今方表名踪。
無端良匠畫形容。當風輕借力。一舉入高空。浮雲捲
盡日輪紅。幾人平地上看我。○
碧霄中。是年登第。位至執政。○
戲笑一貧人不堪爲

情處

增註

如自己華服。貧人敝袍。自己肉食。貧人粗糲。自己妻妾。貧人尚未能娶。種種較量。正其難

爲情處。忠厚者未有不加之憐憫矣。况敢戲笑之乎。

廣義

愚意貧人以憤激之情訕笑富貴者。應同論。蓋

卽格中所謂暗生妬嫉念也。念固爲過。言又宜加過。

○入喪家笑謔

一次一過

笑明曲禮

曰鄰有喪。春不相。里有殯。不巷歌。**徵事**。蔣給事性中在京燕客。已卜日矣。適隣家有喪。公言彼方悲哭。而我何忍歡笑。遂止之。數日喪去。始召客也。◎受人一飲食饋問。嫌微薄。言

另加過**發明**。或出於先施者。方將感惠不已。而有不足之心。是爲貪。或出於來報者。亦見情誼不失。而有較量之意。是爲鄙。貪者良心盡泯。無所容其責備。鄙者累行寔深。必當廣其胸襟。○沈龍江論交際之道曰。禮尚往來。雖本人情。君子有施。亦盡其在我者而已。不必過責望於人。近聞鄉俗之人。有一桃一李。必求相稱者。甚爲可鄙。世豈有操券以行禮者乎。惟受人之施。力能爲報。而自處鄙薄失禮者。亦無怪乎人之責之也。○陳仲昭曰。親朋貴有往來者。蓋恐其隔絕相忘也。故一菓一蔬。亦見來者之雅意。聊以將通

問之誠。何所不可。乃流俗浮靡。競尚豐厚。尋常之禮。視若渺忽。致有貧人惟恐不當意。而揭逋典衣以從事者。余謂富施於貧。徒於口腹之物。而豐厚之。適以導侈。何有寔益。貧答夫富。則若是其艱窘。薄俗爲害。無往不可慨嘆也。○沈先生曰。嘉靖年間。親朋往來之禮。銀尚不過三分五分。以至一錢。亦有携盒酒舉賀者。有三五相約。共一盒酒者。然猶酒不過一壺。盒中物不過小菓小菜。叁五品。酬酢既畢。賓主交拜。自是賓不更修儀。主不復請謝。而情意亦自周洽。何其古雅簡便也。嗣後彌文日盛。有因而廢家廢禮者。有較量往來厚薄。寢成讐怨者。有習爲套儀。明示相欺者。風俗薄惡。何所終極。**徵事**趙司成永一日過魯學者。士鐸邸魯公曰。公何之。司成曰。憶今日爲西涯先生誕辰。將往壽也。魯公曰。吾當偕往。公以何爲贄。司成

曰。怕二方。公曰。吾贊亦應如之。奈不能辦。何。憶里中曾餽有枯魚。令家人取之。家人報以食僅存其半。魯公度家無他物。躊躇良久。卽以其半載與趙公俱往。西涯先生烹魚沽酒。以飲二公。歡甚。卽事唱和而罷。○海忠介公晉南冢宰。以幣物賀者俱不受。投各紙用紅者。亦以爲侈。而惡之。鄒南阜以青蚨三十文。八賀。出諸袖中。海見之。喜曰。如此方是。受之。過數日。置酒酬鄒。惟餽四盃。市餅一盤。酒數巡而已。**廣義**李文節曰。余觀中人衣食僅給。日周旋往來於親朋之間。以耗其財。至於貧乏。不免稱貸求借於人。君子憐之。俗人笑之。間有力能自守。不襲時套。待親友情真而禮澹。君子信之。俗人怪之。余謂甯令人怪。毋令人笑。沈先生曰。人家稍能度日。卽不務本業。到處人情三錢五錢。時常湊辦。其爲苦累。十倍征徭。得之艱難。費

之倏忽。亦何愚也。曹靖修先生家規有云。親姻餽送。切不可過奢。防其難繼。歷觀前賢之論。則知嫌微薄者。固爲俗腸。懼人之嫌。而勉强徇俗者。亦非明識。

◎負一約

增註不負約之道。須於未約之

前。細加審量。可許則許。相約之時。叮嚀着寔。旣約之後。牢記在心。勿以一時適便。虛人願望。然此特就處事言耳。至還財一節。尤易負約。不可謂非過。君子不宜自恕也。

◎偶以過誤損人器

物。不卽賠償。

價重不肯償者。准負人財論。若貧不能償。免過。**增註**又或有隱然誤損。而不卽

明告。則不僅以不肯償爲過。尚當循行誼條。小失不肯明認之例。另爲過也。蓋事雖微。而常致主人誤疑。廝役輾轉以滋咒罵。則積罪愆者。非細耳。**徵事**趙軌原州司馬。嘗夜行。從騎逸入田中。暴人禾。乃駐馬待。

旦訪。禾主酬。值而去。**廣義**。愚謂亦有欲償而受者不願。以情理揆之。則又不妨通融。非以犯過爲懼。而堅執必償之說也。知義者當不以鄙見爲謬。◎**沉滯一人書信**。窺人私柬者。曾三曰。殷羨爲豫章太守。都人士致書百餘函。附行李。次石頭。悉投之水中。曰。沉者自沉。浮者自浮。殷洪喬不能作致書郵。後人以孤高許之。余謂此是天地間最薄情人。一致書細事。尚爾負人。安望其托妻寄子哉。厥後其子殷浩咄咄書空。遂有空函之舉。不須假手他人。而自浮沉其書。則天之報施亦云巧矣。嗟乎。今又有一種浮薄子。偷看家書。慣拆私牘。或以資談柄。或以雪私讎。視浮沉其書者。其報應更當何如也。◎**共人飲食無讓心**。待老者加倍。**發明**。禮記曰。觴酒豆肉。讓而受惡。◎**已**

不可食者推與人食。

附錄

庾亮乘馬有的盧。相馬經所云妨主者也。或語令賣去。庾

曰。賣之必有買者。甯存已所不安而移之人哉。卒留之。

◎待人適意。忽略儀文。

發明

先儒論人與禽獸之別。惟此禮文為重。檢束稍

弛。即流於傲慢蕩逸。不成人類。蓋若是其嚴之也。今

按忽畧儀文。其端有二。一則因其卑賤。不致謙恭。是

為輕人。一則過託相知。無所矜慎。是為慢已。要之輕

人都由慢已而出。且對相知而簡忽。往往不能保其

交之善終。未始非所以輕人也。

徵事

文中子傳稱其

居家雖孩孺。不狎其使人也。雖僮僕必歛容。○語類

載朱文公先生於客退。必立視其車行。不復顧。然後

退而解衣。及應酬他事。或客方登車。猶相面。或以他

事稟者。不領之。或前客纔登車。而尚留之。客輒有咨

議亦令少待其敬
恭不失也如是。

◎群衆中不周察人情觸人所諱。

發明

語云防意如城。守口如瓶。又云病從口入。禍從

口出。正防於交接時觸禍機也。與人晤談。須加矜慎。其發明詳於言語條中。宜細讀之。昔有人爲人講事。偶云譬如衣服亦須稱身。本無心之談。不意座中先世有爲裁縫者。以此含怒焉。言語傷人。如此類者甚多。不可稍忽意也。

徵事

嘉禾葉春嘗爲府掾。後仕至

叅議宣德中。與大理少卿熊槩巡撫東南。一日同至嘉興公館。槩痛笞郡吏。猶辱罵不已。葉從容謂郡吏曰。諸兄當勉。某昔在此。喫了多少打罵。槩大赧。蓋忘葉之爲吏也。

闕義

人之所諱。不可觸之。此一說也。旣

受人觸。亦有無害其爲不諱者。如始則賤微。今已改觀。正足見其傑出。始則猶惡。今已易行。正足見其能

修又何事於必諱之也。附誌二事。欲使人開廣其見。勿因觸諱而遽生怨怒。斯得耳。○李太宰邦彥家起於銀工。既貴其母常語昔事諸孫以爲恥。母曰。宰相家出銀工。則可羞。銀工家出宰相。正爲嘉事。何恥焉。○狄武襄青起行伍十餘年而顯貴。面涅猶存。帝嘗勅青傳藥除之。青指其面曰。陛下以功擢臣。不問門地。臣所以存今日。由此涅耳。臣願留以勸軍中。不敢奉詔。帝益重之。◎人有偶誤不進

婉詞。遽變色而爭觸人之怒。

徵事

呂晉伯拜寶文閣

直學士。馬涓以進士舉

首八幕府。自稱狀元。大忠曰。狀元云者。及第未除官之稱也。既爲判官。則不可因勉以修身爲己之學。臨政治民之要。涓乃自以爲得師焉。韓持國知潁州。查彥以狀元判州事。每稱狀元。持國厲聲曰。狀元無官

耶。自後當改呼簽判彥終身銜之。潘鱗長曰。合二事觀之。君子之出詞吐氣。宜和平。不宜峻厲。和平則理明。而聽者快心。峻厲則氣激。而聽者逆耳。夫二事一體也。一以平氣迎人。而人師之。一以厲色叱人。而人銜之。可見盛氣難以服人。和衷易以率物。故調和心氣。乃應世接物第一著工夫。○楊復所先生曰。凡人正當議論時。一團盛氣。若遽阻他。反不投機。是增人之過也。待氣平時。方緩與說。更於無人處。私自化之。尚可冀改。有愛人之心者。不可不三復斯言。**附錄**陳幾亭曰。朋友議論間。或有僻見。一時難破者。苟未至於大畔。未至於害人。姑且聽之。別處義理大段分明。此僻自解。若當時辨論不休。或傷交情。無資啓悟。○朱夫子曰。義理天下之公。而人之所見。有未能盡同者。正當虚心平氣。相與熟講。而徐究之。以歸於是。乃

是吾黨之責。而向來講論之際。見諸賢往往皆有立
我自是之意。厲色忿詞。如對讐敵。無復少長之節。禮
遜之容。蓋嘗竊笑。以爲正使真是讐敵。亦何至此。○
王文成曰。議論好勝。亦是今時學者大病。今學者於
道。如管中窺天。少有所見。卽自足自是。傲然居之不
疑。與人言論。不待其辭之終。而已先懷輕忽。非笑之
意。訑訑之聲音。顏色。距人於千里之外。不知有道者
從旁觀之。方爲之竦息汗顏。若無所容。而彼悍然不
顧。畧無省覺。斯
亦可哀也已。 ◎見責於人。不能恬受。忿色起。辨。徵。

呂榮公熙甯初。監陳留稅章樞密案。方知縣事。心甚
重公。一日與公同坐。遽峻辭色。折公以事。公神色怡
然。未嘗少動。章嘆曰。公誠有德者。我聊試公耳。○漢
文帝嘗對馮唐曰。吾獨不得廉頗李牧爲將。唐曰。陛

下雖得廉頗李牧弗能用也。上起入禁中。良久召唐讓曰。公奈何衆辱我。獨無間處乎。唐謝曰。鄙人不知忌諱。上乃曰。公何以知我不能用廉頗李牧也。唐對云云。上卽曰。赦魏尚。遷唐秩。天子能受言若此。良可風也。**廣義**朱子童蒙訓曰。凡父兄長上檢責。或有過誤。不可便自分解。姑且隱默。後却徐徐細意條陳。則無傷忤。至於朋友分上。亦當如此。◎與人叩問應答。無端暴聲厲色。

發明犯此條者。非傲惰其人。則或別有煩懣。並非有心。而乖戾輒形。亦不自覺其爲拂逆人也。不必暴性者有此。尋常適意。以是相加者。比比然矣。溫恭儉讓之教範。可無陶鎔服習也乎。**附錄**鄧文潔公與客坐語。偶有齟齬者。卽自省曰。吾未誠耶。澄心半刻。客竟易顏。嘗曰。我常虛而人不礙。我不留而人自化。又曰。

從氣上起。終是乖戾。從性上起。自爾中和。其虛明若此。性度冲抑。以德感人。爲南京大司成。嘗示諸生曰。吾非不欲求諸生。愧我所無也。亦豈不欲非諸生。懼我所有也。願以神情與諸生相交。勉諸生瞿然顧化。

◎他人未嘗有謬。輕率指之爲謬。

附錄 劉元城嘗言金陵亦非常人。其

粗行與司馬文正公畧同。其質樸儉素。終身好學。不以官職爲意。是所同也。但學術有異耳。而諸人輒溢惡。此人主所以不信。而天下之士至今疑之。以其言不公。故愈毀之。而愈不信也。凡人有善有惡。若不師其善而并以爲惡。則人必不信。有是惡矣。故攻金陵者。只宜言其學術乖僻。用之必亂天下。則人主必信。若以爲以財利結人主。如桑宏羊。禁人言以固位。如李林甫。奸邪如盧杞。大奸如王莽。則人不信。蓋以其

人素有德行。而天下之人素尊之。而人主夷考之。無是事。則與夫毀之之言。亦不信矣。此進言者之大戒。

◎聽人言。未竟其詞。遽入已說。

徵事 朱蹇脩先生度。量雅遠。不卞急。對賓

客語。廣喻曲引。娓娓不休。客方語拱。手聽。勿語也。畢。乃後語。此可爲法矣。

◎向人嚔吐。

增註

此亦所謂適意也。似可統於待人忽畧之中。而特抽出言之。以其所失尤爲細微。而人輒易犯耳。推其類實有非一端之足盡者。**廣義** 翁子安曰。嘗因失儀之言。而慨今人暴慢之多也。不矜細行。動成惡習。畧舉其最微者。如翻亂人書籍。不歸本所。如以唾涕穢惡。及爪甲汚染。輒塗抹門壁桌椅等。如噴唾彈酒。不擇地。甚或污及同行坐人。如飲食以骨甲皮核等。輒縱橫擲地下。如着木屐及釘鞋等。踏人室中。兼踏檻壁。

如托熟輒入人退居密室。如移動入室中什物。如戲匿人書籍玩器等物。如臨人几案。輒取筆塗寫於紙及几硯。以上數端。雖威儀之末。習慣者恬不知怪。然貽累取憎。正復不淺。全德始於幾微。可不戒哉。◎

入人戶意欲窺見人間室。

發明曲禮曰。將入戶。視必下。入戶奉局。視瞻毋回。註

謂入戶之時。兩手當心。如奉局然。雖視瞻而不為迴轉。嫌於犯人之私也。

◎**入人戶將近**

內不揚聲。

發明曲禮曰。將上堂。聲必揚。戶外有二屨。言聞則入。言不聞則不入。曲體人情。斯以

合禮。

◎**暗中遇人不揚聲。**

發明恐其驚人。兼防人之觸已。

